

玉海



040
1000:98
34886

玉海卷第二百三

浚儀王應麟伯厚

辭學指南

表

賀

臣某言

或云臣某等言

恭觀

守臣表云恭觀

某月日

云云

者

祥瑞表云伏觀太史局奏云云者守臣表云伏觀都進奏院報云云者

云云臣

某懼忭懼忭頓首頓首竊以

云云

恭惟皇帝

陛下

云云臣云云

臣無任瞻天望聖激切屏

營之至謹奏表稱賀以聞臣某懼忭懼忭頓

首頓首謹言

年月 日具官臣姓某上表

謝

臣某言伏蒙聖恩

云云者謝除授云伏奉告命授臣某官職者

云云

臣某惶懼惶懼頓首頓首竊以云云

此後

或云伏念臣云云茲蓋恭遇

皇帝陛下

云云

臣云云

臣無

任感天荷聖激切屏營之至謹奉表稱謝以

聞進謝恩詩云謹各齋沐撰成謝恩詩隨表上進以聞

臣某惶懼惶懼

頓首頓首謹言

進書 進貢 陳請

臣某言云云臣某惶懼惶懼頓首頓首云云

進國史等云恭以某宗身恭惟皇帝陛下云云

帝云云餘用竊以云云臣無任瞻天望聖激切屏營之至

陳請表云云臣某等無所有某書若干卷冊謹

任折天俟命云云隨表上進以聞進詩云恭和御製詩之類

表云謹奉表臣某惶懼惶懼頓首頓首謹言

陳請以聞代宰臣以下陳請表如請御正殿之類中謝

後或云竊以云云或云恭惟皇帝陛下云云

表明也標也標著事序使之明白三王以前謂之

敷奏秦改為表漢羣臣書四品三曰表不需頭上

下言誠惶誠恐頓首頓首左陽嘉元年左雄言孝
方下附口其官臣甲乙上。

廉先詣公府。文吏課牋奏。又胡廣以孝廉試章奏。
然則章奏試士其始此歟。唐顯慶四年進士試關
內父老迎駕表開元二十六年西京試擬孔融薦
禰衡表則進士亦試表。

東萊先生曰表中謝後當說竊以各隨題意如代樞

密使謝賜玉帶表云竊以裴度視師服章武通天之

賞衛公戡難拜文皇于闕之珍視師戡難俱見樞臣
之意非泛泛引用此

如謝賜御書周易尚書表云竊以法始四營莫辯乎

易文兼五典皆聚此書是也或用事或不用事亦無

定格如進實錄實訓表中謝後當說恭以某宗皇帝

云云頌德不用

作文字須照顧俗語時忌

如德邁九皇之類是俗語如大行踴退之類是時忌

多改大行作盛行

孫仲益秦會之湯進之表皆可為格

代高麗王謝賜燕樂表

孫觀

十行賜札誕彌遼海之邦萬里同文普聽鈞天之樂

起頭若如第二人止說寵逮遠邦之語則弱而無力故用此意而擇語言換轉十行賜札萬里同文是也才讀此兩句便見大體俯慚虛受中積愧懷伏念臣錫壤三韓

襲封四郡環居島服習聞夷誅之聲仰睇雲門實眩

咸池之奏

先說遠夷不足以知雅樂而後敘作樂之盛受賜之寵凡四夷受賜表皆可倣此

方重華之上治躋累洽之闕休監二代以敷文命一

變而制樂登歌下管天地同流鼓瑟吹笙君臣相說

此表警句

全用經句而復典麗大凡詞科四六須開有此一兩聯則易入人眼

揚慶君臣之相說填篋迭奏與天地以同流事

亦與孫仲益同但不合不全故弱此不善言加賁

鹿苹之饗輔成魚藻之歡有懷疏逖之臣亦預分放

之數玉帛萬國千舞格于七旬簫韶九成肉味遞

忘於三月仰止祝將之賜鬱然食侑之光驟此以是

未殆無前比茲蓋伏遇皇帝陛下躬持慈寶不月仁

天通道八蠻坐致遠人之悅同符五帝肇聞古樂之

興出大晟之珍藏作朝鮮之榮觀堯雖一變慈惠均
歡蕩蕩乎無能名雖莫見宮牆之美欣欣然有喜色
咸與聞管籥之音稽首拜嘉周邦來賀臣敢不服膺
眷獎謹度遐方仰九門之句傳徒起戴盆之望與百
獸而率舞但深傾藿之心

此表辭意俱勝可爲定格

代宰臣以下賀日有五色雲表 秦檜

聖主當陽庶采際千齡之運卿雲抱日清臺占五色
之祥景曜觀瞻歡均率溥竊以仰模乾象懋建國經
君德無私明有同於日照臣職匪懈勢有類於雲從

竊以下說君德立職之意極大凡祥瑞表須如此推原惟心合而益章則效隆

而靡忒，乃如今日，允謂昌期。如蓋如盤，方顯照臨之用。非煙非霧，共呈承戴之華。諒非此道之默通，孰致彼蒼之昭皎。稽諸往牒，實未前聞。曆候躔離，但書於合璧慶符；震育徒擬於圓車，當知上瑞之難全。必待盛時而畢見，是為常道。匪曰私親，伏惟皇帝陛下，揆道統天膺時御極，體離明而燭物，霑霑澤以懷人。句

設日下句說
雲極有工

輝光發衷德，又新而無蔽。臣鄰効力，職

布列而俱宜。休矣祥開，灼于既施。臣等假寵，惟舊常

依日月之光，委質何功。偶際風雲之會，

大凡題目中
字須是兩照

俱用則
序當

誓勤縣薄，求介昭明。

如縣薄亦是
昭明亦是日

帝表長

瞻固已傾心於就望官名久正毋庸紀號於青黃文苑英華慶雲抱日賦云臣如雲若如日又黃雲捧日賦云日者君之德雲者臣之狀彼無私以臨下此竭誠而奉上此表命意蓋本於此

代守臣謝賜御書周易尚書表 湯思退

宸章帝藻粲如琬琰之傳神畫聖謨較若天人之備

此表頭神畫聖謨及天人之備便見易與書之意如此方切題不可汎汎說御書經書也啓兩拜

賜拭目知榮竊以法始四營莫辯乎易文兼五典皆聚此書續東魯之韋編發先秦之竹簡意廣大而熟測辭灑噩以莫窺其在累朝以爲古訓顧宣帝立梁丘之學豈葦葦茲之談彼明皇觀洪範之篇徒改陳

頗之字

茲對陂頗亦工

未有留神乙夜探牘前經刪妄論

於九師掇微言於四代寫之縑帙示于薦紳體飛動於龍鸞義昭回於星斗月將日就彰聖學於祇勤墨妙筆精竦侯藩之瞻戴懋乃非常之續屬我中興之朝恭惟皇帝陛下識際道真行高世表垂衣裳而致治蓋取乾坤廣視聽以御圖一似堯禹故此躬行之

至見乎心畫之間

蓋取乾坤一似堯禹上句說易下句說書與前表說雲說日之意合

而工則教兼被於臣鄰賜不殊於中外祕書深刻已

過之參淳化之孝經方國咸頌遠陋漢光之手札

固可用不若更

尋親切事臣叨分符竹獲覩寶奎

對未

八法難如徒

驚端勁邁偉之狀。一圻所治。願布精微。疏通之風。表斷句須要有力。如洪景盧但驚奎壁之輝。從天而下。莫測龜龍之祕。行地無疆。

羅疇老代高麗脩貢表。全篇皆穩。其間一聯云。地瀕日出。每輸傾藿之心。天闊露零。亦被蓼蕭之澤。二事人用之極熟。此聯稍變言語。遂爲佳句。大抵用事當如此。不然則汎濫雷同矣。其斷句云。矢來肅謹。用昭遠慕之誠。弓掛扶桑。永荷誕敷之德。亦好。

林虞謝脩都城記表。全篇皆好。但斷句無力。其中云。天造地設。示根本於華夷。陽曜陰藏。壯規摹於今古。

警句也。

晁之道表頭不甚工。劉才邵表奇。袁植表傷於

太長。

前人表如謝上表固無用。然其間亦有可用者。如頌

德之類。又謝脩史成轉官表。則可用於進史表也。盤洲

洪公擬宰臣賀復河南表。有宣玉復文武之士。光啓中興。齊人歸鄆。謹之田不失舊物之句。齊齋倪公

曰。荆公表云。旌旃所指。燕及氏羌。樓櫓相望。誕彌河隴。此摘取詩語兩字用之。前輩多如此。

西山先生曰。表章工夫最宜用力。先要識體制。賀謝

進物體各不同。累舉程文。自可繁見。前輩之文。惟汪

龍溪集中諸表。皆精緻典雅。可爲矜式。錄作小冊。常

常誦之其他亦須徧閱

前輩表章如夏英公宋景文王荆公歐陽公會曲阜
二蘇王初寮汪龍溪綦北海孫鴻慶諸公之文皆須
熟誦而龍溪北海所作尤近場屋之體可以爲式

一表中眼目全在破題二十字須要見盡題目又忌
體貼太露如前輩慶雲瑞粟野蠶成繭表用參著兩
儀之瑞五色雀瑞麥瑞芝用睹珍符於動植

便見三者分明

安南國謝加恩并賜對衣金帶鞍轡表用式兼名器
之榮蓋只用兩字該盡題目最可法也貼題目處須
字字精確且如進書表實錄要見實錄不可移於日

曆國史要見國史不可移於玉牒乃爲工也

進書一門諸書體製各不同玉牒乃紀大事之書國史乃已成紀傳之書實錄乃編年之書實訓則分門日曆則繫日會要則會粹各是一體若出進玉牒表須當純用玉牒事不可以他事雜之舉此一端其餘皆然若汎濫不切可以移用便不爲工矣

大抵表文以簡潔精緻爲先用事不要深僻造語不可尖新鋪敘不要繁冗此表之大綱也

表有賀

郊祀 皇子孫

宗祀 肆赦

冊寶

祥瑞

建儲

立后

奉安史策

誕生

禮成

兵捷之類

有謝

賜宴 藥等類

賜御製

除授

御書

賜器服余

轉官加恩

代外

國謝賜經筵進讀正說 寶訓三朝兩朝 高宗

賜曆九廟通畧孝宗 仁皇訓典 高宗 孝宗

帝學大學衍義稽古錄 通鑑綱目 帝學 各

奏進講易書詩二禮春秋魏證諫錄名

議進講中庸大學講徹賜象簡金帶鞍馬香茶

餘同或賜御書御製詩及進詩有進貢進奉聖節 代外國

貢獻有進書王牒 國史紀志傳 實錄 日曆

之類有進書寶訓 政要 會要 仙源類譜 積

慶圖御集經武要畧 其體頗不同除單題易區

勅令格式寬恤詔令

處有總數事爲一題者破題須包盡至於瑣碎工夫

尤爲繁多且如出一賀冊表非胷中有五六件冊寶

如何展布得一篇又有不可測者如宣和間順州進

枸杞表某北 每作固非場屋中出萬一試日或遇此題平

康熙二十六年刊

五

三

皇

一

時不知枸杞爲何物焉能作靈根夜吠之語哉須燈
窻之暇將可出之題件件編類如初學記六帖藝文
類聚太平御覽冊府元龜等書廣博搜覽多爲之備
向年嘗見臨安進野蠶繭及絲綿紗絹因謂同學者
曰萬一以此命題中間將何鋪敘皆相顧無語其後
擬一聯云縑絲織纈無慙禹貢之供冰素方空不敷
齊官之獻絲綿紗絹四者皆全須如此用工可也
夷狄貢獻須考證今與中國通者幾國且如安南國
日本閩婆須考究在古爲何國有何故事可以引用
字面可以體貼如安南則有南交浪泊龍編銅柱之

類若非素備寧免荒疎須將歷代夷狄傳本朝合
參考則得之矣

劉三傑文字合中程忘寫年月日臣某上表遂黜
之

代嗣高麗王修貢表俱是先說襲封方及來王之意
惟第一人黃符先說本朝首聯云仰被王靈獲承基
緒敬修臣職敢後要荒羅疇曰中國明昌適際聖神
之運遠邦奔走宜修臣子之恭雖不及嗣玉之意亦
以首言中國遂爲第三

劉弇謝賜重修都城記表首聯先說邇臣而後及上

聖不若前名以帝室爲首又曰岐鼓靡聞於建下嶧
山何補於示夸辭無所愧皆寫諸琬琰之餘家有其
傳非副在京師之比皆警聯也

宣和取燕山羣臣稱賀令一館職作表仍語以燕人
悅則取之一句不得不使其人搜經句欲對未得王
初寮曰何不曰昆夷維其喙矣遂用之

胡交修代謝賜御製御書夏祭神應記表曰聖謨煥
發紀休應於柔祗宸翰昭垂霈寵恩於邇服第二人
便說御書不甚分明

歐陽壞謝賜御製宣德樓上梁文表曰端門層觀虹

染筆起於中天奎畫寶章芝檢驟來於清禁首聯雖見賜宰臣之意而奎畫寶章芝檢不無稠疊矧是御製不應用奎畫檢芝此所以爲第三人也又曰相周王之考室初無補於涓埃仰虞帝之作歌乃獲窺於

黼黻此聯却工

范同表曰五門岌業規摹非萬戶之奢肆筆縱橫彫琢鄙兩都之陋

周益公代交趾進馴象表首聯云效牽靈囿備法駕之前驅已見象爲有用又曰名應周郊之五路克協馭儀耳聞舜樂之八音能參率舞 靡憚奔馳幸捨

鳶飛之跼跼無煩教養俾踏獸樂之般般曲盡馴象

生意

就試之士僅能形容畫象及塑象俱不見馴服生動態度惟益公說出象之步趨來庭之意遂

中首
選

華陽賀老人星見表曰金行貫敘顙氣肅乎西成珠
緯躔空祥輝麗乎南極乾文燁潤宵景澄夷又曰薦
人君之壽旣稽元命之圖表天下之安又載西京之
志一時慶語無出其右

謝景思曰荆公在金陵有中使傳宣撫問并賜銀合
茶藥公作表云信使恩言有華原隰寶奩珍劑增賁
丘園五事見四句中言約意盡

攻媿樓公曰順州得枸杞宿根於土中棊北海屬聯
曰靈根夜吠變異質於千年駟騎朝馳薦聖人之萬

壽眷荒裔沈藏之久實王師恢復之初物豈無知時
如有待表既進天子爲之改容

誠齋楊公曰有用古人全語而雅馴妥帖如已出者
介甫賀冊妃表云關雎之求淑女無險詖私謁之心
鷄鳴之思賢妃有警戒相成之道

四六有作流麗語者須典而不浮汪彥章賀神降萬
歲山表云恍若壺天金成宮闕浩如玉海虹貫山川
有作華潤語而重大者最不多得曾子固云鉤陳太
微星緯咸若崑崙渤澥濤波不驚

起聯

東觀書林。後漢儀之觀。西崑策府。載瞻周馭之臨。

東萊賀車駕
幸祕書省

皇治憲天。垂宏摹於萬世。史編繫日。昭成法於一王。

倪正父進
壽皇日曆

德茂重華。接璿源而詒燕。書嚴大典。續寶牒以垂鴻。

進壽皇
主牒

侍言虎觀。陳三聖之宏規。錫宴麟臺。講一時之盛禮。

周益公謝讀三朝
寶訓終篇宴賜

聖皇至孝。荷神監之溥臨。清廟儲祥。挺靈華之秀發。

說齋賀仁
英室芝草

上聖紹休丕衍洪圖之慶元儲正位茂膺顯冊之靈

陳正父賀皇太子受冊言

三升之風興華如昔徵實

治繼三朝丕闡詒謀之懿法垂萬世聿嚴紀事之書

西山進三朝國史帝記

人文聖業美言亦下轉三升之靈

聖神御極廣推徧覆之仁動植蒙休共効太平之瑞

蘇子進五色瑞雲芝草圖

千之精神命國官事氣象斯之舉

聖心濟衆親成垂世之經予以馭臣例及稱藩之國

李公彦代夏國謝賜聖濟經

以重光濟又普即德四書而並陳

烈祖文孫一本續承之懿皇支帝載兩全筆削之公

王器之進三祖類譜今上重脩正牒

今古百王宗廟殊光實公典

萬曆十六年

三母

監生程獻召

三后在天，軼鴻猷於今古。百王冠德，紀茂實於典謨。

東萊進三朝國史

規摹宏遠，更三聖以重光。憲度著明，參四書而並載。

進慶元勅令格式

惟皇上帝，將開與子之祥。有恤閔宮，肆歲尊禘之事。

野處贊祠高禘

舜曆在躬，大一人之聖孝。堯言布下，輯三紀之睿謨。

東萊進建紹興詔旨

投戈講藝，載信三代之風。肆筆成書，增賁七篇之訓。

野處謝賜御書孟

九月授衣駿發先庚之旨百官承式溥霑令甲之恩

真詞上謝
冬衣

親年有永方齊箕翼之輝聖孝無前併上乾坤之策

賀大上帝后尊
號冊寶禮成

宸襟典學稽上古之聖謨帝幙疏恩錫先儒之義贊

許蒼舒代講讀官
謝賜尚書正義

鏤牒編年並紀光華之旦涓辰歲事聿新尊闕之儀

傅景仁賀奉
安王牒日曆

明聖寅恭寫作宸居之監書言深潤勒爲冊府之珍

代宰臣進秘書省石
刻御書御製敬天圖

御府分珍煥切磋之文采使輅臨賜新指畫之威儀

龍溪謝

賜象簡

皇天篤佑忽垂象以示人聖主靈承乃側身而修行

亟銷變異宜卽彝儀率籲庶工仰于淵聽

膳

星變請御殿復

保章瞻象既除星稜之災太僕詔王盍正朝儀之位

龍溪星變請御正殿

竊以用事

真宗著清景之題必言省費仁祖述危竿之諭蓋謹

居高周益公謝御製損齋記

德如堯帝祝多子於封人聖若文王詠百男於詩雅

賀生
皇子

世祖推恩長安列六子之舍明皇廣愛華清建百孫

之居

盤洲代郡
王謝賜第

周有采薇之詩因命率以衛中國漢著大風之詠期

得士以守四方

初寮謝
賜御詩

彼阜以生驗漢庭之熙洽食榘而化彰唐室之隆平

滕子濟賀
野蠶成繭

漢文繼統每惟代邸之優唐帝嗣圖尤軫潞宮之念

魯可宗代常德
府謝賜府額

三海卷三十三
何二百九十五
姬姓作藩未成人而賜履漢宗受社方在祿以錫封

元章簡代
皇子謝

堯言布下猶資五典之傳漢制恤人尚賴六經之續

進續修寬
恤詔令

永平神爵之頌孝明稱美者五人正元重九之篇德

宗考第於三等晏元獻
進詩

笙鏞列于舜陛無相奪倫管磬設于周庭既備乃奏

初寮賀
燕樂成

與史冊以並驅唐有嘉名之創煥文風而可述漢稱

洪業之遵陳益父賀米
安王牒御集

犀來徼外表章帝之重熙雉貢越裳慕成王之極治

周益公交
趾進象

擁篲迎門漢祖悟櫟陽之敬望樓執鞚唐宗羞興慶
之歡王卮唯志於夸毗寶冊不忘於授受奮乎百

世在我一時

野處賀加
太上尊號

頌采羽於漢賢盛述威懷之應紀來牟於周雅備陳

率育之休惟效異之靈華亦騰歌於樂府

莫冲五
色雀瑞

麥芝
草圖

天錫嘉符芝稱珍物俯延英之御座爰興唐帝之詩

生甘泉之齋房嘗下漢皇之詔

說齋賀仁宗英宗
室前柱上生芝草

推原

鳥本陽精鵲知歲事方聖祚紹隆於火德適天時應

在於金穰

龍溪賀赤
鳥白鵲

極儒者之榮獨高翰墨之選鼓天下之動莫如號令

之孚矧參基命之承尤峻禁林之望

王岐公謝翰
林學士承旨

皇祖有訓嘉言孔彰開創守持垂億萬年之基業都

俞吁咈振六十載之綱條皆聚此書克昌厥後

周益

公讀三朝
寶訓終篇

鋪敘形容

重陰益固應水澤腹堅之時積潤潛通迎土膏脉起

之候常袞賀雪

有璞於此必使琢恍驚制作之工匪伊垂之則有餘

允謂便蕃之賜洪景巖謝王帶

鳳生而五色張片穴之已還龍藏乎九淵驚驪珠之

忽得呂吉父謝賜神宗御集

帝暉下矚光榮河溫洛之藏天藻昭垂跨過沛橫汾

之詠東萊賀事秘書省

金英並秀絢藻井以煌煌紫蒂駢分映萱階而蔓蔓

北海賀芝草

如玉韞石虹氣隱乎山川及雲升天龍澤沛乎宇宙

嘉靖丁巳年

南塘賀

登極

函封遠致不知何國之白環篆刻孔章咸曰寧王之

大寶

同上賀
王爾王

太極班朝肅廷紳而咸會少陽在列粲卷服之彰施
洋洋軌範之言奕奕瓊瑤之刻温文有恪陟降欽
承將以鼓鍾對峙黃麾之仗授之璽紱交輝青輅
之旂小侯邦備物之彝陋王社初封之誥陳正父
賀皇大

子受
冊

品羅羣帙岳峙大庭粲然物采之新將以鼓鐘之奏
徹覽觀於宸極重尊閣於禁嚴典籍聿崇小廣內

承明之秘圖書畢出會榮河溫洛之祥

陳益父賀奉安玉

御集禮成

適華編之初徹叨異渥之杳來輝映宮螭特煥寶奩
之飾歡均萃鹿例陪綺席之光文驪名駿之鮮明
濃麝龍團之芬郁夸鄭澣析經之賜侈亘榮稽古
之蒙輒陳歸美之章丕展逢時之慶詩哀百詠做
麗正之賡酬句寫七言埒栢梁之聯屬

徐子儀代經筵讀孝

宗聖政終篇謝宴賜進詩

編簡旁羅尚想古文於藏壁金絲迭奏如聆雅韻於

升堂

傅景仁講尚書謝宴

樂傲韶英之奏儀修弁甫之容甘醴薦令芳秩彌文

於主鬯吉日告爾字申嚴訓於臨軒

賀皇子冠禮

銀潢滉漾玉版闕嚴千八百國之封先乎異姓五三

六經之籍展也同符

東萊賀進類譜玉牒

二后受之同歸于治萬物備矣皆聚此書萃圭璧於

綠文會日星於漆簡

進寶調

旌旗燭耀於洪河金鼓震驚於靈嶽 介丘霧息已

望翠華之來沂水更生更起舞雩之詠

柳子厚賀破東平

東臺瑞物冠玉璽之珍符左戶輿圖增金城之列障

呂吉甫賀元會

璿題灑落煥東壁之星躔藻衛森羅備甘泉之法駕

奉雕輿而降格被王座以妥安

呂希純賀景靈宮奉安御容禮成

公孫數萬之詭辭披圖可見虞初九百之小說開卷

盡知 豈伊龍閣之珍藏乃作雞林之秘寶

葛勝仲代

高麗謝恩
大平御覽

龍盤虎伏瞻王氣以雲屯螭首龜趺據坤靈而山立

林虞謝賜
都城記

用事形容

名臣畢萃踵劉珍建武之規異域旁該掩德裕會昌

之作

李燦進四
朝列傳

肇易編年脗合馬遷之纂次著爲考紀更逾班固之

鋪張

西山進
帝記

遠循幽俗先九月以授衣俯陋漢儀因立春而賜帛

謝賜

冬衣

徊翔有煒協周家王屋之符粹美而眞異莊子彫陵

之見

龍溪賀赤
烏白鵲

効貢亳都上掩太宗之迹倅圖蜀郡益增仁祖之光

說齊代臨安

府進瑞麥

末聯

撮其機要誠堯典十萬之言奉以周旋取武成二三

之策

姜凱謝賜尚書正義

民勞汜可小康甫迂升平之運胡滅誠爲大慶願臻

混壹之期

野處賀謝完顏亮

謹文王安否之問敢怠帥行書唐宗仁孝之詩仰祈

札賜

攻媿代皇太子謝冊命

既與在庭之多士同值文興將令就傳之百男悉從

隗始

龍溪代嘉王謝及第

寶五典之書而爲訓獲舉宏綱舉三宗之事以戒王

願禪末議

西山進三朝帝紀

紀周宣舞鎬之年外攘復古按韓愈辨徐之說不戰

來戎

初寮齊
白兔

動鼓鐘於長樂何慙漢家爲壽之儀響環佩於後宮

更邁唐室奉觴之禮

周益公賀太
上皇后生辰

視淮南之書豈但矜誇於下國聽山東之詔固當裨

助於中興

同上謝翰
林學士

聽漢詔於山東少補中興之治布堯言於天下庶無

內相之慙

同上

事倣石渠稱制仰勤於臨決才非山甫存計終愧於

將明

攻媿進
吏部去

讀列聖之錄諒思風烈之如存上庶事之歌所冀明良

之交救

徐子儀讀聖文終篇進詩

惟禮可以爲國願廣晏嬰之言非道不敢陳前竊效

孟軻之敬

西山謝禮部侍郎

賜官錦而嘉草詔之能雖非敢望卽金鏡而擿任賢

之要知所自期

謝翰林學士

舜裳五色慚微裨補之長燕駿千金願廣招徠之意

謝衣帶鞍馬

書大事而小則簡牘願殫細素之勤藏名山而副在

京師終冀汗青之望

野處進三朝帝紀

鼎飪養賢省已難勝於異數樽酒納約愛君期盡於

愚衷

西山謝講易
終篇賜宴

願借髦士稱棧樸之能官人載詠詩章思采繁之不

失職

倪正文代進士
謝賜射推賞

君已知言榮惑坐移於三舍臣當守職泰階願獻於

六符

龍溪代宰臣
星變謝放罪

鄭衣又改爲兮莫副尚賢之日禹蔽無間然矣永肩

歸美之誠

謝春
衣

使忠臣得盡其心敬忘周詩實篚之意如羣生有以
自樂願推漢詔賜帛之仁

繼中興聖統之編式符瑞應陋皇室維城之錄未究

編摩 進玉牒

修長樂之法已觀景耀之宣誦思齊之詩更侈徽章

之嗣

率群卿洎宗臣俯陋唐家之制令史官宣景耀頌陳

漢頌之辭

賀皇太后上尊號

題

代嗣高麗王脩貢 紹聖乙亥

代宰相已下謝賜新修都城記 丙子

代宰臣等謝實錄成賜宴 丁丑

代親王謝賜外第 元符戊寅

萬曆丁亥年

三母卷三十三

三

生張鳳翔

代宰相已下賀老人星見

己卯

代高麗王謝賜太平御覽

庚辰

代皇子謝賜生日禮物

靖國辛巳

代宰臣謝賜重修神宗皇帝御集

崇寧壬午

代宰臣賀慶雲見

癸未

代貢士辟雍謝賜宴并御製詩

丙戌

開封府賀獄空

大觀己丑

代宰臣已下謝賜御製冬祀慶成詩

政和辛卯

代宰臣已下賀野蠶成繭

壬辰

代高麗王謝賜燕樂

甲午

代公相已下謝賜御製夏祭神應記 乙未

代公相已下謝宣召赴穆清殿賜宴 丙申

代雲南節度使大理國王謝賜曆日 戊戌

代公相已下謝賜御製宣德樓上梁文 宣和庚子

代夏國謝賜御製聖濟經 辛丑

代宰臣謝賜御製俯同大成殿詩 壬寅

代宰臣已下賀日有五色雲 癸卯

代燕山府路進士謝賜及第 甲辰

代宰臣已下謝宣召赴經筵聽講 建炎戊申

代宰臣已下賀收復京西路 紹興戊午

代樞密使謝賜玉帶

壬戌

代守臣謝賜御書周易尚書

乙丑

代守臣進五色雀瑞麥芝草圖

辛未

代守臣賀慶雲瑞粟野蠶成繭

甲戌

代交趾進馴象

丁丑

代提舉國史進哲宗徽宗寶訓

庚辰

代提舉編類聖政所進建炎紹興詔旨

隆興癸未

代常德府謝賜府額

乾道丙戌

代講讀官謝賜尚書正義

己丑

代文武百官為光堯皇帝太上皇后加上尊號冊寶

賀皇帝

進修四朝國史列傳 淳熙乙未

代文武百寮謝宣赴光堯御書閣觀石經 戊戌

代宰臣進新修仁宗英宗神宗玉牒 辛丑

代史官進續修資治通鑑長編并舉要 甲辰

代宰臣已下賀奉安仁宗英宗玉牒四朝國史列傳

今上皇帝會要禮成 丁未

安南國王謝加恩并賜對衣金帶鞍轡 紹熙庚戌

建寧寶錄院進高宗皇帝御集 癸丑

慶元丙辰

臣已下賀正旦日食雲霧不見立春前一日得
己未

代宰臣已下賀奉安徽宗欽宗王牒高宗孝宗光宗

御集禮成

嘉泰二戊

代提舉國史進高宗孝宗光宗國史帝紀

開禧乙丑

代文武百寮為皇太子受冊賀皇帝

嘉定戊辰

代嗣秀王謝賜玉帶

辛未

代侍讀官為經筵進讀孝宗聖政終篇謝賜金硯匣

并后侍講說書脩江官謝賜秘書省御筵及款

香茶

甲戌

代提舉國史進新修高宗孝宗光宗國史志并例傳

丑丁

代提舉編修玉牒進三祖下仙源類譜令上皇帝玉

牒及重修玉牒

庚辰

代經筵講讀官進資治通鑑綱目并九朝名臣經濟

奏議中興諸臣奏議

癸未

代寶慶府守臣謝賜府額

寶慶丙戌

代樞密院進孝宗皇帝經武要畧

壬辰

代宰臣以下講皇帝三月二日御正殿

端平乙未

代宰臣爲講筵進讀太祖太宗真宗三朝寶訓終篇

謝賜御書阜陶謨及笏帶鞍馬

嘉熙戊戌

代提舉史館進高宗孝宗光宗寧宗正史并寧宗實

錄 辭學

伐講讀官爲經筵進講周易徹章謝賜御書及牙簡

金帶鞍馬香茶進詩 巳亥辭學

代宰臣進秘書省石刻御書御製敬天圖 庚子辭學

代侍讀官爲經筵進讀仁皇訓典終篇謝賜金硯匣

并同侍講說書侍立官謝賜秘書省御筵及鞍馬

香茶進詩 淳祐辛丑

代沿邊守臣謝元日誠諭沿邊帥守諸將御筆并摹

賜御書御製訓廉銘謹刑銘石刻 甲辰

代提舉國史已下爲進高宗孝宗光宗寧宗史志

傳寧宗御集謝賜祕書省御筵及賜御書御製詩

并香茶 丁未

代宰臣謝賜御書思無邪毋不敬六字飭進二贊 庚戌

代樞密院進太祖太宗真宗仁宗英宗神宗哲宗經

武要畧 寶佑癸丑

代皇子謝賜御書孝經十六句 丙辰

始於事親中於事君 滿而不溢高而不危
口無擇言身無擇行 天之經也地之義也

德義可尊作事可法 居則致敬養則致樂
通於神明光于四海 進思盡忠退思補過

代提舉國史已下進重修孝宗皇帝實錄編類寧宗

皇帝御集

開慶己未

代宰執以下賀奉安重修孝宗皇帝實錄光宗皇帝
實錄新編寧宗皇帝御集并今上皇帝玉牒日曆
會要經武要畧禮成

景定辛酉辭學

代侍讀官進唐魏證諫錄陸贄奏議李絳論事集并
九朝名臣奏議

壬戌

代秘書省官謝賜御書道山堂

癸亥辭學

代侍讀官擬進三朝寶訓贄真宗皇帝正說贄中庸
圖上皇帝

咸淳乙丑

代提舉官擬進重修寧宗皇帝實錄新修理宗皇帝

實錄玉牒日曆會要上皇帝

戊申

代經筵官為進讀大學衍義資治通鑑綱目終篇謝

賜笏帶鞍馬香茶并賜秘書省御筵

甲戌

露布

尚書兵部

晉曰尚書五年

隋唐方曰兵部

續十一

至德二載復舊

臣某言臣聞云云恭惟

皇帝陛下

云云

臣等

云云

臣無任慶快激切

屏營之至

唐露布云不勝慶快之至

或云無任慶快之至

謹差

某官奉露布以聞

紹聖試格如唐人

破蕃賊露布之類

破蕃賊露布之類

破蕃賊露布之類

露布之名始于漢按光武紀注漢制度曰制詔三

露布之名始于漢按光武紀注漢制度曰制詔三

公皆璽封尚書令印重封露布州郡祭祀志注引
 東觀書有司奏孝順號露布奏可又鮑昱詣尚書
 封胡降檄曰故事通官文書不著姓又當司徒露
 布李雲露布上書注謂不封也魏改元景初詔曰
 司徒露布咸使聞知蜀漢建興五年春伐魏詔曰
 丞相其露布天下此皆非將帥獻捷所用通典云
 後魏攻戰克捷欲天下聞知乃書帛建於漆竿上
 名為露布自此始也任城王顥曰露布者王肅獲
 賊二三皆為露布韓崇有高曳長縑虛張功捷
 之譏孝文稱傳脩期下馬作露布齊神武破芒山

軍爲露布。杜弼即書絹不起草。唐制下之通上其

制有六。三曰露布。兵部侍郎奉以奏聞。集羣官東

朝堂。中書令宣布。

隋開皇中撰
宣露布禮

張昌齡爲崑丘道

記室。平龜茲。露布爲士所稱。于公異爲招討府掌

書記。朱泚平。露布曰。臣旣肅清宮禁。祇奉寢園。鍾

簷不移。廟貌如故。德宗咨歎焉。

薛收爲露布。或馬
上占辭。封常清於

幕下潛東晉未有露布。隆興初。以晉破符堅命題

似有可疑。然文章緣起曰。漢賈洪爲馬超伐曹操

作。而魏志注謂虞松從司馬宣王征遼東。又破賊

作露布。隋志有魏武帝露布文九卷。世說云。巨温

北征令袁宏倚馬前作露布手不輟筆戡成七紙

則魏晉已有之當考

宋書云楊文德建露板馳告朝廷文公雕龍曰露布都蓋

露板不封布諸視聽也

宋朝王元之擬李靖平突厥露布此

擬題之始歟

東萊先生曰頭四句後再用兩句散語須便用兩事

如蠻夷則用前代伐蠻夷之事盜賊則用前代伐僭

亂之事

尚書兵部臣某等言

上帥臣聞說伐叛恭惟

尊號皇帝陛下

頌德便說四方命某賊之須極罵

當時臣某等

說受成某賊說當時拒臣等討次

罪

第說禽

得地

斯皆

歸善臣之意

臣云云

未用一聯結

西山先生曰露布貴奮發雄壯少麤無害不然則與賀勝捷表無異矣

翟公異作擒賊露布曰不以賊遺君父已殄凶殘況克敵示子孫毋忘勲伐

張燕公平契丹露布曰山川積雨盡消胡騎之塵草木長風咸有王師之氣

王元之擬李靖露布敘頡利求降且復謀竄曰穿中餓虎暫爲掉尾之求韉上飢鷹終有背人之意

起聯用事

春秋復九世之讎世宗遵而伐虜匈奴直百年之運

宣帝因以受朝滌蕩平城之憂焜燿渭橋之謁雖

今盛烈跨古鴻猷

東萊破突厥露布

電擊雷震瀚海飲冠軍之馬星流彗掃燕然勒車騎
之銘愴義勇於龍荒紀鴻勳於麟閣厥開昌會克

對前休

平薛延陀

起聯用散語

衆勝天而定勝人終歸助順直爲壯而曲爲老烏可

恃強自古以來斯理可攷所以牧野若林之旅罔

敵有周昆陽彗雲之鋒亦殲於漢

東萊破符堅

未聯

臣等賴天之靈敵王所愾蠻荆率服初無方叔之壯

猶江漢既平行對宣王之令聞

周益公平淮西

臣備數行間獻俘闕下左執律而右秉鉞願先周樂

之容東漸海而西被沙共紀禹功之盛

東萊平薛延陀

登灞岸而望長安共興感慨封狼居而禪姑衍當效

驅馳

破符堅

唐于公異露布

駱賓王集兵兵奏姚州靈布末云不勝慶悌之至謹遣某奉露布以

聞軍資器披別簿條上云別簿錄上

尚書兵部臣聞

云云

伏惟

皇帝陛下

云云

逆賊朱泚

云云

臣是用

云云

此

皆上天降鑒睿慮旁施

云云

臣

云云

不勝慶快

之極謹差某官姓某謹奏露布以聞

朝制要覽載露布式

某道行軍元帥府

爲申破某賊露布事

具官行軍司馬封臣名

具官行軍長史封臣名

具官某道行軍元帥臣

尚書六部

云云

謹差某官臣

云云

聞軍資器械別簿申上謹上

張說爲河內郡王平冀州賊契丹

布云其軍資器械別簿條上謹言契衝爲內州長史破契丹露布云其所獲首級器械別錄申上

布云其立功將士首領別簿奏上

兵部奏桂州破西原賊露

年月日具官行軍兵曹參軍事臣姓名上

尚書兵部謹奏某道行軍破賊露布事

左僕射具官封臣名

左僕射具官封臣名

兵部尚書具官封臣名

兵部侍郎具官封臣名等言臣聞云云不勝

慶快之至謹以申聞謹奏

年 月 日兵部郎中具官封臣姓名上

給事中具官封臣姓名讀

門下侍郎具官封臣姓名省

侍中具官封臣姓名審

聞

其行軍無元帥者載當時軍名餘官無帥者具行軍見在官宣制訖送尚書省頒布文鑑載露布二首

嶺南道行營都部潘美副部尹崇珂都監朱憲等上尚書兵部臣等聞云云臣等幸陪戎事陪

樂聖功無任快抃歡呼之至謹奉露布以聞
昇州行營馬步軍戰棹都部宣徽南院使義成
軍節度使臣曹彬上尚書兵部臣等聞云云臣
等無任訝時樂聖慶快懽呼之至謹奉露布以
聞

題

唐西海道行軍大總管破吐谷渾 政和丁酉

唐擒頡利 宣和癸卯

唐天下兵馬元帥克復京城 紹興乙卯

晉征虜將軍征討大都督破苻堅 隆興癸未

檄

某年某月日某官某告某處

或曰移某郡

蓋聞

云云

云末云檄到如章書不盡意

或云茲言不欺其聽無惑或云

茲言不爽其聽無違故為檄委曲檄到其善詳所處如律令或云檄到宜告咸使聞知

司馬長卿喻蜀檄

首云告巴蜀大守末云檄到亟下縣道使咸喻

陛下意

陳孔彰為袁紹檄豫州

首云左將軍領豫州

刺史郡國相守

蓋聞

云云

司空曹操

云云

幕府

云云

廣宣恩信班揚符賞布告天下

云云

如律令

檄吳將校部曲文

首云年月朔日子尚書令或告淮東諸將校部

曲及孫權宗親中外

蓋聞

云云

故令往募爵賞科條如

左檄到

詳思至言如詔律令

鍾士季檄蜀文

末云各其宜亦

咸使知聞

宋告司寇二州

末云幸加三惡議擇利害又尚肅籙雁南

府未云文書千里驛行

檄軍書也祭公謀父所謂威責之令文告之辭東

萊先生曰晉侯使侯相絕秦檄書始於此然春秋

之世鄭子家使執訊與書以告趙宣子晉之邊吏

責鄭王使詹伯辭於晉王子朝使告諸侯皆未有

檄之名戰國時張儀爲檄告楚相其名始見

魯仲連爲

書約矢遺燕將秦尉佗移檄蒯通說范陽令曰傳檄而于里定韓信曰三秦可傳檄而定

漢有羽檄

顏師古曰檄以木簡爲書長尺二寸有急加鳥羽示速也急就篇注檄以木爲

之長二尺說文亦云二尺自相如之後檄書見史書李左車曰奉咫尺之書

策者不可勝紀揚雄曰軍旅之際飛書馳檄用枚臯謂其爲文敏速也唐以前不用四六周益公擬漢河西大將軍諭隗囂倪正父擬晉奮威將軍豫州刺史諭中原豪傑皆用四六然散文爲得體如東萊漢使喻莎車諸國是也

釋文曰檄激也文心雕龍曰檄激也宣布

於外讞然明向

劉勰文心雕龍曰祭公謀父稱文告之辭卽檄之本原戰國始稱爲檄凡檄之大體或述此休明或敘彼苛虐指天時審人事筭疆弱角權勢標著龜於前驗

坐擊鑑於已然譎詭以馳旨煒矚以騰說故植義

辭務在剛健挿羽以示迅不可使辭緩露板以宣衆

不可使義隱必事昭而理辯氣盛而辭斷此其要也

冊府元龜序曰暴揚過惡張皇威武使忠義奮發而
那謀沮壞諭去就之理陳逆順之狀俾之改圖易轍

轉倘爲福誕告士民使知不
獲已而用兵非無名而驥武

東萊先生曰檄書頭說某官告某將士益聞

說討叛
招携之

意說一段云云惟爾某處將士

說爲賊拘脅而不能
自歸及畧說賊之罪

幕府

說受命討賊甲兵之盛敎當
時形勢賊將欲滅須自歸

主上

說有過人大
度之意開其

自新

末以歸附則有厚賞怙終則有顯戮自擇禍福

結之

末云凡所賞科其如令甲周益公擬諭隗囂
云昔吳芮效忠世裂長沙之壤田橫亡命身貽

崇積丙子

玉母卷三十五

三

海島之羞顧逆順之
灼分惟智愚之審擇

西山先生曰檄露布乃軍中文字檄貴鋪陳利害感
動人意 所業檄題欲出唐大將軍河南招慰使有
州縣檄出題出夏侯端傳乃高祖創業之初非因兵
興盜起稍覺氣象佳但所疑者一慰字耳 漢以前

無檄六朝以前未有露布編題之初須要知此漢檄

不須四六如司馬相如喻蜀檄之類漢無四六之文

故也 晉檄亦用散文如袁豹伐蜀檄之類 隋唐以
來方用四六如祖君彥駱賓王檄鄭畋移檄滿

鑣

野處洪公作告契丹諸國及中原檄曰蓋聞惟天無

親作不善者神弗赦得道多助仗大義者衆必歸云

云我國家云云蠢茲女真之微云云主上云云莫府

云云惟彼諸蕃之大國云云爲劉氏左袒飽聞思漢

之忠俟湯后東征必尉戴商之望云云侯王寧有種

乎人皆可致富貴是所欲也時不再來云云檄到如

章書不盡意

唐李商隱檄劉稹曰驚地底之鼓角駭樓上之梯檣

喪貝躋陵飛定之期旣絕投戈散地灰釘之望斯窮

盧汝弼檄李克用云致赤子之流離自朱邪之板蕩

祖君彥檄洛州云審配死於袁氏不如張郃歸曹范

康熙二十六年刊

增困於項王未若陳平從漢

袁豹代蜀檄曰當全蜀之疆士民之富子陽不能自
安於庸夔劉禪不敢竄命於南中荆邯折謀伯約挫
銳故知成敗有數非可智延此皆益土前事當今元
龜也盛如盧循疆如容超凌威南海跨制北岱樓船
萬艘掩江蓋汎鐵馬千羣充原塞隰然廣固之攻陸
無全雉左里之戰水靡全舟或顯戮京畿或傳首萬
里故知逆順有勢難以力抗斯又目前殷鑒深切著
明者也

柳子厚伐黃賊牒云證 之勇冠一方竟就伏波之

戮呂嘉之威行五嶺終摧下瀨之師嗟此陋微自貽擒滅

李充曰檄不切厲則敵心陵言不誇壯則軍容弱

唐說齋擬檄題

唐遠東道大總管喻高麗首領部落幽鎮招撫使諭朱克融右衛率府長

史召西域兵討中天竺

題

諭安西城緣邊蕃部

聖丁丑別試

諭青唐種落

元符庚辰有檄字

會要此題總類無數字

唐大將軍河南道招諭州縣

淳祐甲辰

玉海卷第二百三

玉海卷第二百四

浚儀王應麟伯厚甫

辭學指南

箴

序

云云

箴辭用韻語末云敢告云云

紹聖詩格如揚

雄百官九州箴之類箴
銘贊頌並逐句空字

箴者諫誨之辭若箴之療疾故名箴

盤庚無伏小人之攸箴庭

療因以箴之召公曰師箴師曠百工誦箴諫

文心雕龍曰夏商二箴餘

句頗存夏箴見于周書文傳篇商箴見于呂氏春

秋名類篇

又謹聽篇有周箴

周辛甲爲大史命百官官箴

王闕虞人掌獵爲箴漢楊雄擬其體爲十二州二

十五官箴後之作者咸依倣焉隋杜正藏舉秀才

擬匠人箴擬題肇於此唐進士亦或試箴顯慶四年試貢

士箴開元十四年考功箴廣德三年
轉門箴建中三年學官箴

周虞人箴

芒芒禹迹畫爲九州經啓九道民有寢廟獸有茂
草各有攸處德用不擾在帝夷羿冒于原獸忘其
國恤而思其麾牡武不可重用不恢于夏家獸人
司原敢告僕夫告僕夫不
敢斥尊

東萊先生曰凡作箴須用官箴王闕之意各以其官

所掌而爲箴辭如司隸校尉箴當說司隸箴人君振
紀綱非謂使司隸振紀綱也如廷尉箴當說人君謹
刑罰非謂廷尉謹刑罰也

箴尾須依虞箴獸臣司原敢告僕夫之類

止是隨題
曰改如上

林清臺箴則云史臣司天宗正箴則云宗臣司族廷
尉云官臣司刑司隸校尉云官臣司直太常云禮臣
司典其下句敢告隨韻改之大抵
如敢告替御敢告僕臣之類是也

西山先生曰箴銘贊頌雖均韻語然體各不同箴乃

規諷之文貴乎有警戒切劘之意詩庭燎沔水等篇

左氏虞人箴楊子雲百官箴

古文苑

張茂先女史箴白

居易續虞人箴柳公綽大醫箴王元之端拱箴文粹

中諸箴可寫作一帙時時反復熟誦便知體式

出箴用官名須先理會置官之意

謂如將作大匠則戒官室之侈虞人

則戒游田之數

程文中唯上林清臺考工令箴最佳可以爲

法

箴者下規上之辭須有古人風諫之意惟官名可以
命題所謂百官官箴王闕各因其職以諷諫如出周保
章箴則當以敬天爲說其他皆然又有非官名而出
箴者

若宣室上林
溝臺之類

亦當引從規諷上立說

箴題最多自周禮外歷代百官表志

前漢後漢唐

皆當詳

考凡其名雅馴者皆可出又有散在傳記間者如周

陶正不在周禮而在左傳舜樂正不在虞書而在

荀子須着意搜尋然後無遺忘

箴銘題有雜出於他書者只兩字易

於漏失

東萊先生考工令箴監于太宗罷露臺役一言興邦

萬杵咸息監于中宗肅然齋居器械技巧圭黍莫誣

就用漢事可以爲式

王器之騎郎將箴考官批云就用漢事爲箴甚佳

所引

吸廣董諸卷所不及

王器之曰劉才邵宣室箴序甚有意四字語差不

及

胡廣百官箴敘曰箴諫之興所由尚矣聖君求之於下忠臣納之於上故虞書曰子違汝弼汝無面從退有後言墨子著書稱夏箴之辭文心雕龍曰揚雄稽古始範虞箴卿尹州牧二十五篇及崔胡補綴總稱百官所謂追清風於前古攀辛甲於後代

題

太史 紹聖丙子

漢宣室 宣和庚子
紹興乙卯重出

漢上林清臺 紹興戊辰

漢考工令 庚辰

周師氏 隆興癸未

武學 乾道己丑

周司會 淳熙丁未

漢詩博士 嘉定戊辰

漢內史 辛未

漢騎郎將 庚辰

漢護羌校尉

癸未

周陶正

慶元己未

漢講郎

紹定己丑

漢湯官丞

淳祐甲辰

漢式道候

庚戌

周馮相氏

寶祐癸丑

堯謁者

開慶己未

漢公車令

咸淳乙丑

銘

序

云云

銘詩用韻語

紹聖試格如張孟弼劔閣銘柳宗元塗山銘之

類政和元年試格歷代史故事借擬爲題如周成王封泰山頌張衡渾天儀銘之類

銘始於黃帝漢藝文志道家有黃帝銘六篇

應劭曰盤

孟諸書黃帝史

禹銘荀虞湯銘于盤

銘者名也因其器名書以

爲戒也武王聞丹書之言爲銘十六箴武仲曰夫銘

天子令德諸侯言時計功大夫稱伐文心雕龍曰
夏鑄九鼎周勒楛矢令德之事也呂望銘昆吾仲
山鏤庸器計功之義也魏穎景鍾孔悝衛鼎稱伐
之類也蔡邕銘論曰德非此族不在銘典詩傳曰
作器能銘可以爲大夫考工記嘉量有銘文選序
曰銘則序事清潤陸倕石闕漏刻二銘皆有序張
載劔閣銘末云勒銘山阿敢告梁益則寓儆戒之
旨隋杜正元舉秀才擬燕然山劔閣銘杜正藏擬
弓銘唐崔渙還調吏部侍郎嚴挺之施特楊試尋
尊銘謂曰子清廟器故以題相命建中三年進士

別頭試欵器銘與元元年朱干銘則以銘試士尚矣

東萊先生曰詹仲和輔渠銘序極佳但須便說內史兒寬言爲妙

西山先生曰古之爲銘有稱述先人之德善勞烈者衛孔悝鼎銘是也有著儆戒之辭於器物者如湯盤銘武王几杖楹席之銘是也今詞科所作雖未能全復古體亦須略倣其意可也銘題散在經傳極多自

器物外又有用山川溝渠官室門闕爲銘者

若劍閣泗水亭

銘是也

如唐駐蹕山銘則所以揚人主之威武如劍閣

銘則所以戒殊俗之僭叛或出此等題又當象題立說苟無主意止於鋪敘何緣文字精神

銘文體貴乎簡約清新大抵以程文爲式熟讀前代韻語以爲命意造語之法

趙大本唐黃道游儀銘序粵十三年龍尾伏辰之月

哉生明以游儀成奏

此年月只是銅儀并游儀

詔置景運

此門唯置銅儀

集賢注記載游儀之下續云十三年十月渾儀成舊史十三年十月癸丑銅儀成志十一年游儀成

會要以爲十三年十月三日

劉三傑試漢瓚槃銘序云先儒釋經不明先鄭後鄭云曰大日容尺升備載不記八寸一尺

李獻之黃道游儀銘序越旣四載王器之抹四載字謂十三年乃銅儀又抹景運字此門唯置銅儀

陳壽南中選孝宗曰鐵簾銘題目甚新峴爲銘亦好

文心雕龍曰箴貴確切銘貴弘潤事必覈以辨文必簡而深

朱文公曰武王諸銘有切題者如鑑銘是也亦有不
可曉者古人只是述戒懼之意隨所在寫以自儆今
人爲銘要就此物上說得親切如湯盤銘之類

題

欽器

紹聖乙亥

分賜鏤文紅管御筆

元符巳卯

玉磬

崇寧壬午

夏禹九鼎

政和辛卯

漢宣德殿馬式

壬辰

漢楚龍淵

宣和癸卯

漢輔渠

紹興戊午

克敵弓

壬戌

黃帝景鍾

戊辰

漢瑄玉

辛未

漢芝車

甲戌

漢廟鼎

丁丑

漢玉卮乾道

丙戌

周太常

壬辰

唐黃道游儀

淳熙乙未

禹待賢簾

辛丑

漢漏刻四十八箭

甲辰

新製鐵簾

丁未

魯鼓

紹熙庚戌

漢絲車

癸丑

漢律準

慶元丙辰

漢璜槃

嘉泰壬戌

漢農輿

寶慶丙戌

堯諫鼓

紹定壬辰

周元戎

嘉熙戊戌

熙寧神臂弓

辭學

周九和弓

淳祐丁未

唐武庫大弓

寶祐癸丑

堯衛室

丙辰

漢名馬式

景定癸亥
辭學重出

漢安車

咸淳戊辰

少皞氏度量

甲戌

記

末云謹記

今題云臣謹記

記者紀事之文也西山先王曰禹貢武成金縢顧命記之屬似之文選止有奏記而無此體古文苑

三才圖會卷之三
三十五十三
載後漢樊毅修西嶽廟記其末有銘亦碑文之類
至唐始盛獨孤及風后八陣圖記今之擬題倣此
若今題則以承詔撰述者爲式

東萊先生日記序有混作一段說者有分兩節說者
如未央宮先畧說高帝蕭何定天下作宮一段乃說
爲之記曰

此下立意或說奉若天道建邦
設都或說都邑四方之極皆得

作記有敘其事於首者如官殿經始於某年某月落
成於某年某月之類先說在頭一段然後入爲之記
曰云云周子充漢未央宮記首云漢高皇帝云云八
年丞相蕭何始治未央宮云云是也有敘其事於尾

者如詹叔義漢城長安記末云城肇功於元年正月

巳事於五年九月

云云

爲門者十有二南北則象斗

形

云云

洪景伯唐勤政務本樓記末云樓成於開元

二年之九月

云云

是也

凡作文字先要知格律次要立意次要語瞻所謂格律但熟考總類可也所謂立意如學記泛說尚文是無意也須就題立意芳爲親切柳子厚柳州學記說仲尼之道與王化遠邇此兩句便見嶺外立學不可移於中州學校也所謂語瞻如韓退之南海神廟文乾端坤倪軒豁呈露一段老蘇兄漢字序說風水一

段是也雖欲語瞻爾不可太長

謂專事

不可近俗

如

編中對聖賢語黃卷上
從古人游之語皆是

不可多用難字

熟看韓柳歐
蘇先見文字

體式然後編放
人用意下句處

又須作一册編體製轉換處不拘古文與今時程文
大畧編之如喜雨亭記亭以雨各志喜也柳文宣王
廟碑仲尼之道與王化遠適似此之類此作記起頭
體製也歐公真州發運園記中間一節此記中間鋪
敘體製也柳萬石亭記附零陵故事之類此記末後
體製也

西山先生日記以善敘事爲主前輩謂禹貢顧命乃

記之祖以其敘事有法故也後人作記未免雜以論體詞科所試唯南渡前元豐尚書省飛白堂等記及紹興新修太學記猶是記體皆可爲法後來所不建須多讀前輩敘事之文則下筆方有法度蓋有出處事多如唐折衝府者出處事少如漢步壽官者事多貴乎善翦截不然則繁冗矣事少貴乎鋪張不然則枯瘠矣

如漢金城屯田出處幾五七板而欲斂爲一篇漢步壽官出處纔數句而欲演爲

記須

將本科之文如此類者細觀其布置之法事多者筆端自爲融化不全用古人本語事少者自作一規模不使局趣則得之矣

記題最多如宮室興造制度名物皆可爲題須詳加

編纂庶無遺失

記序用散文須揀擇韓柳及前輩文與此科之文相

類者熟讀

韓南海海神廟碑柳興州江運記蘇諸祥官碑之類凡文體嚴整者皆是又曰取典則

簡嚴者爲作文之式

作文貴乎嚴整不可少類時文

須忌之乎者也虛字

重字太多

多字痛自裁節累舉程文可以槩見茲不詳

述

記序以簡重嚴整爲主而忌堆疊窒塞以清新華潤

爲工而忌浮靡纖麗

文心雕龍曰思瞻者善敷才覈者善刪善刪者字去而意留善

敷者辭殊而義顯字刪而意缺則短辭敷而意重則蕪

綜學在博缺事貴約

朱文公日記文當考歐曾遺法料簡刮摩使清明峻

潔之中自有雍容俯仰之態

又日歐文敷腴溫潤南豐文峻潔坡文維健

水心日

如歐公吉州學豐樂亭南豐

臺道山亭致公信州興造杜州終城記

文維健

張文潛曰文人好奇者或爲缺句斷章使脉理不屬

又取古人訓詁希於見聞者衣被而說合之反覆咀

嚼卒亦無有此最文之陋也

石村曰今世文章只此是用換字減字法

張伯玉吳郡六經閣記云六經閣諸子百家皆在焉

不書尊經也

入善以始善申曾執星何始之入善其

元祐中新作御史臺詔曾子開爲記其畧曰責人非

難責已爲難

云云惟其不難於責已則施於責人能

稱其任矣苟異於是得無餒於中哉世以爲名言

平齋曰如漢郡國風俗本末唐山河兩戒等記若非
平居攷訂成次序寸晷之下雖以全史繙閱殊未易
着手

陳自明試已入等以試卷申省進呈同試之人指其
微類摘周五射記用襄尺字以爲犯漢安懿王諱未
與推恩侍從言記問文采迥出流輩旣單用襄字初
不從言雖曰同音卽是嫌名自不應避詔與下等推

恩

紹熙元年試慶
元四年推恩

淳熙八年先取二名內一名第六篇記漏寫限三百
字以上止取莫叔光

合題式

曾子開重修御史臺記首云元祐三年新作御史臺有詔臣某爲之記云云末云輒因承詔誦其所聞以告在位者使有以仰稱列聖褒大崇顯之意焉

東萊隆儒殿記首云仁宗皇帝皇祐紀元之三

載

云云

末云臣既述其事謹待制旨而勒之石

周益公選德殿記首云皇帝踐阼以來宮室苑囿無所增修獨闢便殿於禁垣之東名之曰選德云云一旦命臣汝爲之記臣愚學不足以推

廣聖意詞不足以鏘陳盛美謹采詩禮云云次

第其說末云陛下神聖必於此有得焉而臣何

足以知之

題

藉田 紹聖丁丑

元豐新修尚書省 丁丑別試

思文殿 元符戊寅

詔賜宗室坐右銘 己卯

重摹太宗皇帝御飛白書玉堂 庚辰

宗子學 靖國辛巳 重修祕閣 崇寧壬午

重修都亭驛 癸未 新建殿中省 丙戌

新建書學 大觀己丑 唐集賢殿書院 政和辛卯

漢六輔渠 壬辰

唐修文館 癸巳

唐學士院 甲午

唐洛陽宮 乙未

唐太徽宮 丙申

漢麒麟閣名臣圖 丁酉

唐史館 戊戌

新修龍德太一宮 亥 宣和巳

唐花萼相輝樓 辛丑

大唐雅樂 甲辰

唐八坊 建炎戊申

唐折衝府 乙卯

漢城長安 戊午

唐勒政務本樓 壬戌

唐凝暉閣渾天儀 乙丑

紹興新修太學 戊辰

唐慶善宮 辛未

咸平龍圖閣五經圖 甲戌

繡衣鹵簿 丁丑

少皞氏官名 庚辰

漢武功爵

乾道丙戌

唐義倉

巳丑

漢南北軍屯

壬辰

漢漕渠

淳熙乙未

周乘馬法

戊戌

漢雒陽城十二門

辛丑

漢太初官名

甲辰

漢步壽官

丁未

周五射

紹熙庚戌

漢建武封功臣

癸丑

漢增置郡國

慶元己未

漢永平車服制度

嘉泰壬戌

漢留田十二便

開禧乙丑

周四學

嘉定戊辰

漢七郊

辛未

唐十六衛

甲戌

漢剖符封功臣

丁丑

唐十道山川

庚辰

唐鹵簿

癸未

漢功臣增邑更封

寶慶丙戌

漢西域都護

壬辰

漢四姓小侯學

端平乙未

漢論功定封

嘉熙戊戌

天聖廣科目

辭學

大中祥符皇族諸院入學

己亥辭學

淳化常平倉

庚子辭學

漢郡國鹽鐵官

淳祐辛丑

周復舊城

甲辰

周畿內貢法

丁未

景祐權量律度式

庚戌

皇祐鎮國神寶

寶祐癸丑

周山川圖

丙辰

漢郡縣山川風俗

開慶己未

漢五屬國

景定壬戌

初置文思院

癸亥辭學

周爵名

咸淳乙丑

虞米廩

戊辰

周采地

甲戌

贊

頌說附

序

云

贊曰

云

云

贊者贊美贊述之辭文選序曰圖像則贊與文章

緣起曰司馬相如作荆軻讚班史以論爲贊范曄

更以韻語

隋志曰後漢魯廬江有名德先賢之贊蜀楊戲著季漢輔臣贊漢明帝殿閣

畫陳思王爲贊

夏侯湛東方朔畫贊序

云

乃作頌焉其

辭曰

云

袁宏三國名臣序贊序

云

故復撰序

所懷以爲之贊云

云

先序後贊與今體相類唐

建中二年進士以箴論表贊代詩賦此試贊之始

中興書目云顧雲鳳策聯華三卷有補十八學士

寫真像贊。安西都護府重築碎葉城碑。皆因舊事而作。亦擬題之類也。

西山先生曰。贊頌皆韻語。體式類相似。贊者贊美之

辭。頌者形容功德。然頌比於贊。尤貴瞻麗宏肆。須鋪張揚

厲以典雅。豐縟為貴。昌黎聖德詩。徂徠慶曆頌。此正格也。其用

爭造語。最忌塵俗。須熟讀三百篇。博觀司馬相如揚

雄諸賦。與夫漢郊祀歌。文選所載二京三都七啓七

發之類。及韓柳文韻語文字。則筆下自然豐腴矣。

更將選粹及本朝歐蘇諸公所作。凡四言韻語之文。

誦咏吟哦。便句中有意於鋪張揚厲之中。而有雍容

俯仰頊挫起伏之態乃爲佳作若止將華言綺語一

向堆疊而無風味韻致亦何足取哉李充翰林論曰贊宜辭簡而義

武帝謂郊廟歌辭應須典大語不得雜用子史文章淺言

居說齋寶奎殿御書贊序云慶曆二載無月日實錄正月辛未

又云煥乎堯章親加紀述實錄命宰臣呂夷簡撰記皆有缺誤

題

御書無逸圖紹興乙卯漢麟趾裏號乙丑

漢寶鼎神策甲戌寶奎殿太宗皇帝御書庚辰

漢諸葛亮八陣圖乾道巳丑天禧御製元良述壬辰

淳化大射圖淳熙乙未御製敬天圖戊戌

景德龍圖閣中庸圖 紹熙癸丑

大中祥符御製太宗皇帝聖文神筆頌 嘉泰壬戌

天禧清景殿書事詩 開禧乙丑 慶曆觀文鑒古圖 嘉定戊辰

太中祥符館閣御製 甲戌 唐開元十八學士圖 丁丑

高宗皇帝車攻詩 庚辰 乾道御製春賦 癸未

皇祐邇英閣無逸孝經圖 寶慶丙戌

周武王丹書 端平乙未 大中祥符御製守官箴 嘉熙戊戌

慶曆邇英聖問 庚子 唐開元二十二賢圖 淳祐辛丑

天聖崇政殿講論語賜御飛白書 甲辰

慶曆三朝訓鑒圖 丁未 慶曆新修太常禮 開慶己未

御書賜皇太子講堂新益二字

景定辛酉訓學

高宗皇帝御書儒行篇

壬戌

孝宗皇帝御書益稷篇

咸淳

甲戌

頌

序

云云

頌曰

云云

紹聖試格如韓愈元和聖德詩柳宗元平淮夷雅之

類

詩有六義六曰頌莊子曰黃帝張咸池之樂有焱
氏爲頌文心雕龍曰帝嘗之世咸墨爲頌以歌九
韶商周及魯皆有頌所以游揚德業褒讚成功隋
杜正元舉秀才擬聖主得賢臣頌唐開元十一年

進士試黃龍頌十五年試積翠宮甘露頌宋朝淳

化三年楊億於學士院試舒州進甘露頌遂賜及

第則試頌尚矣宋書曰鮑照爲河清頌其序甚工

頌詩有序亦不可畧也

有終篇同韻者如元和聖德詩有四句換韻者如平

淮西碑箴
銘贊倣此

西山先生曰

見贊類

累舉以前程文唯渡江以前之文

如導洛通汴北郊慶成大河東流紹聖元會皆妙絕

不可不熟讀

文心雕龍曰擬清廟範駟那

崔爰文學蔡邕樊渠

並致美於序而簡約乎篇

取鎔經意自鑄偉辭

又曰賈誼枚乘兩韻輒易劉歆亘譚百句不遷亦各有其志也昔魏武論詩嫌於積韻而善於賀代陸雲亦稱四言轉句以四句爲佳

金樓子曰班固頌學尚云贊頌相似

癸未陳自修試閱武頌及露布冠絕一場表中有瑕疵不取知舉言文詞警拔詔注教官

王器之漢西域三十六國內屬頌序云小國二十有七九次大國紀述其事備於班固列傳列敘其國見於荀悅漢紀總而名以內屬則有范曄所著本傳存焉

敘事之法

題

紹聖元會 紹聖丙子

擗洛通汴 丁丑

北郊大禮慶成 丁丑別試

大河復東流 元符戊寅

端誠殿芝草 庚辰

皇帝展事于郊丘 靖國辛巳

崇寧聖德 崇寧癸未

崇寧繼述聖政 丙戌

大慶殿受八寶 大觀巳丑

堯大章 政和癸巳

黃帝封泰山 甲午

漢祀雍獲一角獸 乙未

漢函德殿金芝 丙申

圓象徽調閣奉安隆鼎 丁酉

漢神魚舞河 戊戌

漢三雍 宣和巳亥

漢開籍田 辛丑

漢甘露降未央宮 壬寅

漢單于朝甘泉宮 甲辰

周成王蒐岐陽 紹興壬戌

明道藉田 乙丑

皇祐紫宸殿奏大安樂 辛未

漢紫壇 丁丑

太祖皇帝闕武便殿 隆興癸未

舜韶箠 乾道丙戌

唐涇陽受回紇獻功 壬辰

唐獻獲大安宮 淳熙戊戌

天禧太清樓觀書 辛丑

皇祐御製明堂樂舞 甲辰

紹熙孟春皇帝朝獻景靈宮禮成 紹熙庚戌

乾德初郊禮成 慶元丙辰 景祐高禘壇 己未

漢闕里作六代樂 開禧乙丑 舜五樂 嘉定甲戌

唐紫微殿受龜茲俘 丁丑 漢西域三十六國內屬 庚辰

唐興安門受俘 紹定壬辰 孝宗皇帝閱武白石 端平乙未

皇祿寶岐殿觀麥

淳祐辛丑

唐突利請入朝

庚戌

漢華平

寶祐丙辰

漢行饗禮

景帝壬戌

淳熙煥章閣藏高宗皇帝御集

咸淳乙丑

天聖五色雲

戊辰

序

末云謹序

今題云臣謹序

紹聖試格如顏延之王融曲水

詩序之類

序者序典籍之所以作也文選始于詩序而書序左傳序次之宋朝端拱元年王元之試詔臣僚和御製雪詩序遂爲直史館則試序亦舊制也

東萊先生曰作記序若要起頭省力且就題說起謂如太宗金鑑書序則便說太宗皇帝云云說鑑治亂賢不肖之意如花萼相輝樓記則便說唐元宗明皇帝云云說兄弟友悌之意不可汎說功德須便入題意

西山先生曰序多以典籍文書爲題序所以作之意此科所試其體頗與記相類姑當以程文爲式而措辭立意則以古文爲法可也

書目有異同者如南豐戰國策目錄序末云此書有高誘注者二十一篇或云三十二篇崇文總目存者

八篇今存者十篇云

卷數有序於首者如唐開元禮序云明皇帝之十四年云云爲開元禮一百五十卷是也有序於末者如唐大衍曆序云其書有曆術七篇曆議十篇略例一篇云是也

徐子儀甘石巫咸三家星圖序引周禮終人巫咸事按本處注巫字當爲筮非殷之所謂巫咸貢院言是旁證卽非本處有差未敢取放開院日知舉請與陞擢是年試者二十四人

今題式

周益公皇朝文鑑序首云臣聞云云賜名曰皇

朝文鑑而命臣爲之序云云末云臣雖不肖尚

當執筆以頌作成之效云

韓子蒼國朝會要序首云臣聞云云末云若其

條貫舛謬辭語淺薄臣之罪也無所逃戾冒昧

聖覽惟陛下幸赦之

題

通英閣無逸孝經圖後序紹聖乙亥

三朝寶訓元符戊寅

御書孝經千字文勒秘閣贊碑陰後序己卯

占天萬年曆

崇寧癸未

北初修六典

政和癸巳

唐大衍曆

宣和巳亥

唐開元禮

庚子

唐羣書四錄

壬寅

新修汴都志

癸卯

漢定著三十五家兵法

建炎戊申

統元曆

紹興乙卯

唐會要

戊午

漢五家要說章句

壬戌

漢中和樂職宣布詩

乙丑

唐通典

戊辰

漢石渠議奏

辛未

漢靈臺十二門詩

甲戌

漢白虎議奏

丁丑

唐文思博要

庚辰

漢輿地圖

隆興癸未

邇英延義二閣記注

乾道丙戌

漢陸賈新語

巳丑

唐帝範 淳熙乙未

漢十八家曆譜 戊戌

漢元功侯籍 辛丑

唐車輿衣服令 甲辰

唐武德正觀兩朝史 丁未

晉摯虞文章流別集 紹熙庚戌

唐羣書治要 癸丑

唐太宗政典 慶元丙辰

漢建武詔書 己未

唐乾元殿四部書 嘉泰壬戌

八曆 開禧乙丑

唐太宗集 嘉定戊辰

唐開元曆議 辛未

甘石巫咸三家星圖 甲戌

嘉 昭文館書 丁丑

周時訓 癸未

唐秘書省四部圖籍 寶慶丙戌

淳化秘閣羣言 壬辰

漢十二字論部 端平乙未

漢二十一家天文 嘉熙庚戌

皇祐御撰明堂樂曲齋駭周職錄

皇祐辛丑

唐開元著錄丁未

周史記丁未

漢鹽鐵論寶祐癸丑

天禧編御集丙辰

唐定戎闢圖開慶己未

夏箴景祐壬戌

唐六十一家儀注咸淳乙

周官三易戊辰

唐六經法言甲戌

試卷式

本貫云云應博學宏辭具官姓某年立平

一習制誥詔書表露布檄箴銘記替頌序

一出身

卷二

試博學宏辭二首

一 無過犯

一 三代

一 合家口

一 今試如曾試亦
具年試分

奉

試博學宏辭二首

第一首

題

限
以上

同前

塗注乙

制諸詔表露布檄箴銘贊頌類以二百記序類以三百凡
言祖宗及上字並別行言聖恩之類並空字箴銘贊
頌遂句空字

辭學題名

乙亥

黃符

羅疇

高茂華

趙邦臣

慕容逢

丙子

林廩

劉弁

滕乃

丁丑

吳茲

周憲

王孝迪

方上以震

別試

吳弁

戊寅

丘鄰

吉觀國

王天倪

己卯

謝徽

庚辰

葛勝仲

辛巳

晁詠之

程量

孫宗鑑

壬午

王雲

石悉

謝潛

癸未

祝天輔

杜林

丙戌

孫近

王劭

己丑

樊察

李鞅

李子奇

以上宏辭三十一人 兄弟二員

辛卯

譚世勳 蔡經國 俞授能

壬辰

滕康 盧益 李熙靖 薛倉舒

癸巳

孫傳

甲午

孫覲 王志古 滕庚

乙未



范同

劉才邵

歐陽瓌

辛丑

李公彥

壬寅

曾益柔

癸卯

秦檜

甲辰

何掄

袁植

戊申

表正功

以上辭學兼茂三十六人

滕李爲二家兄弟州人

乙卯

王璧

石延慶

戊午

詹叔義

陳巖肖

王大方

壬戌

洪遵

沈介

洪造

後改名适

乙丑

湯思退

王曦

洪邁

戊辰

周麟之 季南壽

辛未

莫冲 葉謙亨

甲戌

莫濟 王端朝

丁丑

周必大

庚辰

唐仲友

癸未

呂祖謙

丙戌

魯可宗

巳丑

姜凱

許蒼舒

壬辰

傅伯壽

湯邦彥

乙未

李獻

趙彥中

戊戌

周泊

倪思

辛丑

莫叔光

甲辰

李拱

丁未

陳峴

庚戌

陳晦

癸丑

陳宗召

壬戌

陳貴謙

乙丑

真德秀 留元剛

戊辰

陳貴誼

以上博學宏辭三十八人

兄弟三洪二莫父子三人陳

丙辰

王應麟

己未

王應鳳

玉海卷第二百四上

寶祐四年丙辰博學宏辭 二百四卷下

從事郎新揚州州學教授王應麟

第一場二首

二月十一日試

昭慶軍承宣使左金吾衛大將軍荆湖北
路安撫副使兼知鄂州授寧武軍節度使
龍神衛四廂都指揮使夔路安撫使兼知
夔州兼提領措置屯田兼控扼瀘敘昌合
四州邊面加食邑食實封制

門下建齋旒而啓鎮密聯廂部之班分帥閫以留田
兼飭邊城之備乃瞻承流之儔夙參宅牧之權兵農

方急於坤維表裏載更於師律王言作命士聽無譁

昭慶軍承宣使左金吾衛大將軍荆湖北路安撫副

使兼知鄂州某沈毅而善謀忠純而知義臨機料敵

明四種之兵書御衆牧人備五材之將畧率先爪士

婁秦虜公有嘉衛社之勤寢股執金之職肅荊州之

方面江介肅清殿鄂渚之雄藩民心靖謐治幾已聞

於南紀朕衷尤軫於西陲念蜀道之孔艱恃夔門之

堅守遠連夷徼先江陽焚水之扞防近護風寒謹冒

元巴川之控禦欲整軍而經武必徹土以峙糧惟爾

之能敵王所愾是用易茗雲宣風之秩新葭蒨賜節

之儀十乘以先啓行植中權之牙纛四鄰若防制水
壯列郡之喉襟警副帥以褒升進上游而綏撫昇端
拱使名之寵總紹興穡事之綱虜可勝而奏屯田亟
上宜宜之十二蠻來威而伐獫狁往陳師旅之二千
欽哉實畝以實墉于以維藩而維翰申陪采賦習貴
戎昭於戲按德裕南道之圖慨想籌邊習農之績覽
孔明平沙之陳毋忘渡瀘耕渭之規務本所以省轉
輸設險所以嚴保障祇若予訓式固爾猶可授寧武
軍節度使龍神衛四廂都指揮使夔路安撫使兼知
夔州兼提領措置屯田兼控扼瀘敘昌合四州邊面

王滄卷二百四
三百八十三
洪氏
加食邑食實封主者施行

周山川圖記

相古先民有周德隆潭洽用造區夏章亥所步莫不
砥屬建壘戢武斧藻王度四嶽河海咸秩無文名頌
曰箴哀時之對鄭元釋允猶翁河之語謂按山川圖
次序祭之孔氏正義謂共爲一圖雖畿籍方志湮軼
亡傳謹專繹舊聞而爲記曰太極肇分有浮而清有沈
而奧卷石之積結爲巍巍雲蒸雨霈萬物育焉勺水
之積融爲浩浩源迤流衍萬物潤焉聖人有作冠對
迺濟迺桀迺滌肇稱明祀爲民祈禱若封禪于黃望

秩于虞旅祭于禹維見可觀然風后受圖九州始布
山海有經爲篇十三圖謀猶未詳也蒼姬開統憲章
稽古以地圖知山川之數職于司書以地圖辨山川
之名物職于大司徒以九州圖周知山川之阻職于
司險天下之圖職方適掌其山鎮曰會稽衡華曰浙
岱嶽及醫無閭霍常其大川曰三江江漢曰滎雒淮
泗曰河洑涇汭及漳虢池嘔夷又有山師川師掌其
名山虞川衡掌其守良兼允麗目擊掌運抑猶以爲
畧也卑高小大則其位殊次主屏攝則其數異我是
以有秩祭之圖河先海後辨源委也九河合同一等

列也嶽視三公瀆視諸侯禮文別也天子四望諸侯
三望名分嚴也按圖定序因序藏事於是宗伯爲壇
典瑞奉璋牧人毛牲校人飾駒廼奉蕤賓歌函鍾舞
大夏服毳冕而祀焉上下有章無越望之僭祝史薦
信無矯舉之槐山澤通氣歆馨降嘏百嘉罔懋四極
艾寧盛哉鑠乎適觀詩序祀於循守時邁其邦爰及
柴望意者土訓夾車道圖詔事其在斯時與攷之傳
記天下名山五千三百七十名川三百支川三千周
國其在雍州而立吳嶽爲西嶽三代居河洛而四瀆
咸在山東公羊春秋謂天子有方望之事何休以爲

望祭凡三十六所者義之修而禮之藏獨於殷詩見
之夙夜誌祀作周恭先丕天之大律也下逮穆王大
朝黃山披圖視典殷武疏述鄭元之言亦參周漢之
域驗山川之圖孔安國爲漢博士具見圖籍山川所
在學者尚有稽焉春官掌三辰之灋猶神示之居注
亦訓猶爲圖邛觀俯察兩盡其勢矣雖然德懋而山
川寧道公而百川理懷柔河嶽厥有本元無設官爲
極之意則經野之圖不足以致治無敬德祈天之忱
則卜洛之圖不足以永年是圖之陳左右也顧岐陽
豐水而念玉業之孔躋瞻洞庭孟門而監地險之難

侍江漢想廣及之德南山思疆理之功清明在躬與
山川出雲同一運化然後能靈承于旅惟典神天業
崇濛鴻洋洋如在聖帛云乎哉茲圖外之眇指敢正
列其義以詔萬世謹記

第二場二首 十二日

代皇子謝賜御書孝經十六句表

臣某言伏蒙聖慈賜臣御書孝經十六句者睿謨垂

裕夙承父訓之嚴神畫疏恩備舉聖經之要因心立

教拭目知榮臣某惶懼惶懼頓首頓首惟夫子之發

微言爲曾參而陳孝道首述君親之事謹始及中復

虞富貴之移戒危與溢身行口言之無失天經地義
之兼該事可法德可尊表裏俱正居致敬養致樂造
次弗違神明四海以交孚進退一忱而匪懈有倬飛
翰於昭詒燕之謀二八句之特書撮其樞要千
萬人之咸悅始于家邦仰倣邇英之屏俯殊制旨之
汪矧熙朝資善之學肇祥符丙辰之春詔儒臣而續
是經錫宸章而刊諸石游觀洪藻宏賁前猷臣德愧
溫文性慙岐嶷出有師入有保蚤齒虞庠親則父尊
則君恪趨周寢曩者分封之渙號誨之全孝以移忠
旨趣會于五經未窺聖緼德教加于百姓徒仰皇明

載觀河雒圖書之光如親洙泗問荅之語茲蓋恭遇
皇帝陛下學稽古典筆寓天常祚嗣萬年受祉而施
于子冠冕百行得手而應于心約漆簡千有餘言
驪珠六十四字淳化秘丘之刻祖武可繩紹興
之盼人文增煥臣敢不聿嚴琰寫式廣家藏
六章之詩遠邁唐宮之賜札夙夜事一人之訓

建郎之陳圖臣無任感天荷聖激切屏營之至謹奉
表稱謝以聞臣某惶懼惶懼頓首頓首謹言

堯衢室銘

衢室堯所以采民言也惟堯舍己稽衆從

昔黃帝嘗詰遠覽合宮有聽明室有議并謀兼知詒
蒸後昆廼考室四達之衢垂聽而問焉通而百揆四
嶽然而九州四表聰明光被嘉言罔伏將與娣哉善
旌誇太昭其明也素題樸棗昭其儉也清問而鯨寡
靡不達疇咨而共受不能蔽先思之意寓于衢尊而
極之議聞于康衢仁天知神陰見博問廣覽兼聽八
荒七閩言布天下譎聖至今厥後訪以總章觀以終
術遂以靈臺詢以外朝揆元探而帝實肇之炳諸與
謨卓哉冠德鋪觀方策下聽於人則管子紀其事議
盡天下之心則文中子申其說云衣履幅遠如神明

之居則于華子詳其制魏文帝紀亦曰廣詢于下豐
規淵指歷歷維見或者有謂元氣治陰陽之言以為
明堂異名堯心未昭晰于億萬想禹之聽治猶銘美
虞矧惟帝世必有銘詩而秦書載焉皇皇箴諫之路
貳室尊賢太室考庸未足匹休罔羅善聞補其辭曰
於禮放勳道泰朝清光被四表在于戶庭
唯天為大德寓恢闕儲思法宮羣龍翼承
從人稽衆聖而不矜五達之衢謗木求箴
廣衢游童洋洋頌聲衢尊先惠涵泳至仁
於焉築室廣聰垂明合宮之聽率祖收行

茅茨流化

頽數階實

愔躬入朝

若星共辰

彤車黃收

魏乎天臨

帝暉邇止

垂衣如神

上開言路

下達民情

何以來之

有鼓有旌

清問鯨寡

爾隱畢申

疇咨四岳

朕愆悉陳

側陋在下

罔闕予聞

象恭庸謚

罔惑孔壬

相在爾室

咫尺八紘

誰謂民遠

察其頌呻

夏鐸徇路

規諫于君

湯有總街

觀誹于民

爰周質際

外朝是詢

維昔盛帝

軌迹易遵

君聞無壅

天衢以亨

孰曰道謀

不瀆于成

噴室之議

陋彼齊人

宣室之問

卑哉漢文

堯在萬世 如見其心 敢告後王 貽此休銘

第三場二首十四日

天禧編御集序

宋受命於穆清五緒集奎觀人文化天下維三葉重
光真宗章聖皇帝濬喆欽明禮堯蹈舜游意藝圃積
思書林睿藻天葩輟輶元化慶霄在上 萬物五色宜
刻玉板藏金鑰垂訓姚遠以三二典七六經天禧之
元月旅黃鍾日躔庚子臣虛已裒次御集百二十卷
爰即禁庭俯示丞弼明年孟春嚴儲于繼又殿四年
季夏甲午列局崇文分命山釋仲冬庚申出聖製七

百二十二卷昇輔臣五年季春庚子欽奉御集尊閣
天章定著爲三百卷仲秋庚午臧之名山以副墨盼
焉赫乎盛哉集有序篇實出御製五年正月癸卯借
聖政記序名邇列觀之臣埃臯翰墨衣被昭回之光
韻首書下方曰帝王之文卽天地自然之文仰而觀
則麥政三辰之炳耀俯而察則山川卉木之彪列帝
堯煥有文章文王經緯天地繇此其選道心淵粹發
爲英華聖學精微寫爲謨訓豈有意于文哉若昔黃
帝丹書及銘傳至周漢聖文哀集其昉此乎高文有
傳著在七畧武帝有集始折二卷正觀開元成集並

垂理愧於辭駁亡以議惟我藝祖紹天覺民贊遽孔

顏道統復續太宗繼序緝熙光明皇文挾天籟勺宇

宙臣文仲編爲三十卷臣彭年編爲二百十四卷燕

謀詒翼用勇遺于章聖厥旣北警葦允西縻靈夏幅

員清謐威械戢滅升中岱宗展采汾陰禮葉樂華歲

蕤葱禱帝益思持盈制治啓迪化原乃增講員乃御

廷閣左右圖籙鎔經鑄辭綠字瓊章壁明奎粲歌有

念農閱兵奉先爲政豐年觀麥喜雨瑞雲之屬斯元

首薰風之雅詠也論有勤政崇儒祥瑞解疑思政欵

器爲君難寬財利之屬斯畫卦重爻之邃學也龍圖

有贊聖文有頌元龜有序泰山有銘庇民有述修河
有碑三記五箴之作清景百篇之製經史徧詠明良
載賡肆筆而成憂切韶濩帝心謙輦未議彙輯祥符
四禩九月丙子臣敏中請錄宸章襲臧渠觀而文頌
歌詩十五卷上于五年四月癸卯號登天禧遂金聲
玉振而集大成臣竊從太史氏欽覲集目凡頌碑銘
贊之卷二十六詩歌辭章樂府之卷一百十四論述
序箴條記文書其卷四十正說承華要略靜居玉宸
法音集其卷四十有五春秋要言五卷明分試題表
詞卷別七十芸籤鈿軸數盈三百視滋福殿所觀爲

益備雲漢之章風行水上之文作者不可及已鴻生
鉅學屬辭摛藻有三代風非金玉追琢之功鳶飛魚
躍之化與折臣管闕國史祥符丙辰之春開資善訓
元良箴記歌吟日賚月錫天禧四禩仲冬甲戌臣殊
編摩賜東宮御製成五十卷育蒙泉之德培豐水之
仁帝範金鏡訓戒等書方斯蔑矣文子文孫監先憲
酌祖道至于萬年永保民罔不自斯文始臣謹表而
出之乾興初元八月辛亥以是集錫該輔併識千篇
以鋪敷我宋重規疊矩之盛美臣謹序

漢華平頌

皇以中興三葉。緝熙康乂。燕及皇天。惠露德風。坯冶
泰飭。暢垓泝埏。炤景飲醴。瑞命總集。嘉祥備致。仁及
于木。効異吐竒。而華平生焉。平之義大矣哉。在天爲
泰階。在地爲嘉木。世道夷陂。氣感類從。維木之祥品。
彙匪一。賓連闕達。紫脫平露。白虎禮緯。彪剡其名。而
華平獨著于孝經。援神契。謂德至地。則是物盛。張衡
作賦。馭厲東京之媿。春圃是植。爰紀神異。薛綜注釋。
指爲瑞木。謂天下平。則其華平。冊府元龜。載元和二
年至章和元年。華平見郡國藝文類聚。述東觀記。以
爲芝英。華平史官不可勝紀。沈約宋志亦曰。其枝正。

平王者有德則生漢元和中生郡國其當章帝之世
與帝也左右藝文斟酌律禮道無偏陂如砥如衡根
于正心發于平治有泰之吉無否之傾煌庠休哉植
物之敬器也昔在孝武奇木兆祥胡粵冠帶亦越永
平木枝內附朝堂奉觴矧時珍物見象知治應圖合
謀儆戒默寓蘭臺諸彥獻歌踵聞景況洪禡鋪藻猶
缺敢稽選注以頌以規頌曰

顛穹槃物

木神則仁

漢以仁興

木瑞爰臻

赤符膺統

丕闡坤珍

德豐澤鬯

萬象一春

允文肅宗

豈弟宜民

仁及于木

匹休周成

支附葉著

函夏謚清

言觀于朝

賢庸雋登

言觀于邊

櫟靖燧沈

美發英華

治浹升平

泰酥融液

嘉卉挺生

植之春圃

吐葩颺榮

祥參平露

光掩芝英

五衢四照

未數山經

含章自天

絢耀槐宸

啓篇稽謨

咨爾儒臣

德至於地

緯書昭燿

乾行謙施

帝德之純

燁燁其華

元氣儲精

維平不倚

式如玉衡

太平有象

品物流形

其象維何

萬國咸寧

體泉下滋

涵露上凝

匪棣之偏

匪葵斯傾

隨方表應

欵器在庭

考祥視履

志于未萌

用人必公

淑別愚明

敷政必餘

直錯枉信

天壽平格

葆命日新

右我災詐

本夷蕃藎

奇木旁出

對述終軍

解編削祛

疎俗來賓

水枝內附

永平昌胤

壽觴敬舉

驩溢簪紳

於赫神物

夙軼前聞

辯章化洽

肴覈仁林

咸曰我后

能蒔堯奠

俯匱後葉

并柯成文

瑞圖適紀

政令之均

維德弱剛

低卬以分

水匪于祥

戒在持盈

無平不陂

保泰兢兢

顧名思義

有媿有箴

文之雅詩

以繼遠駟

博學宏辭所業

制

特進觀文殿大學士提舉臨安府洞霄宮
授少保寧武軍節度使荆湖廣南宣撫使
判潭州軍州荆湖南路安撫大使加食邑
食實封制

門下位左棘以建旄兼總宣威之任殷南邦而分闡
益隆統牧之名疇咨祕殿之英越在羣公之表倚重
臣而疆本釋真館以圖庸參錫徽章載颺顯冊特進
觀文殿大學士提舉臨安府洞霄宮某忱恂而覽裕

剛毅而沈潛緯武經文可大則賢人之業集思廣益
至公以天下爲心亮采日嚴訐謨辰告久贊襄於衮
職邁燕佚於琳庭冠元豐寓祿之階羽儀賜位峻皇
祐崇儒之秩領稟延思養恬雖適於雅懷應變未殫
於遠略瞻武安之鉅鎮屹方面之要衝地控重湖內
欲腹心之先備疆連五嶺外如唇齒之相依銷患未
形維人無競廸思高廟有若臣綱繇舊敬而命旬宣
卽中權而領藩翰徒得君重載績武功是用篆車升
臣保之班苴燾授益昌之節兵事不由中御合楚粵
以撫師戎乘以先啓行指衡洲而植屏數路聽和門

之令十連尊元帥之稱申衍圭禽陪輸幹食以新采
燕治外之畫以謹徹桑未雨之防於戲陶侃啓長沙
之封嘗督軍於交廣方叔振中鄉之旅佇執訊於蠻
荆精神折衝則國勢張指授當任則人心靖欽承猷
訓懋建膚公可授少保寧武軍節度使荆湖廣南宣
撫使判潭州軍州荆湖南路安撫大使加食邑食實
封主者施行

寧江軍承宣使左驍衛上將軍金州駐劄
御前諸軍都統制授武康軍節度使右金
吾衛上將軍興元府駐劄御前諸軍都統

制加食邑食實封制

門下錫齋旄而啓鎮載聯中尉之華總禁旅以修戎
益重西陲之寄乃瞻蕃宣之儻夙殫守衛之厘疏陟
典以褒勲更要衝而統戍明颺渙號敷告師虞寧江
軍承宣使左驍衛上將軍金州駐劄御前諸軍都統
制某果毅而樸忠沈雄而肅括營平守節深料敵之
威謀票騎抗旌懍冠軍之姦勇列武威而拱極臨洺
水以乘邊王旅嘽嘽克壯金湯之勢戎容暨暨聿張
箕翼之形廸簡予衷茂嘉乃績念漢中之保鄣控益
部之裨喉復險要於舊圖于疆于理時屯營於東道

屏維藩師徒甫集而未餼。罍壘方更而未固。將飭
不虞之備。亡踰已試之良。是用新駱谷之建牙。易夔
江之留務。鶡冠魚服。陞峻秩於執金。犀甲熊旂。侈多
儀於授鉞。如乾道顯忠之並命。若紹興楊政之進屯。
以嚴細柳堅壁之威。以恢采薇治外之略。申加并賦。
增賁坤維。於戲。登拜將之壇。決策蓋繇於南鄭。上出
師之表。駐軍欲定於中原。惟山川未改於昔時。則事
業益參於前哲。典聽朕誌。式固爾猶。可授武康軍節
度使。右金吾衛上將軍。興元府。駐劄御前諸軍都統。
制加食邑。食實封。主者施行。

誥

翰林學士知制誥兼侍讀除同知樞密院

事誥

勅股肱一體相成祇通時幾之戒文武萬邦爲靈儀
圖翰墨之英朕迪前人光武成功所在咸平有若臣
與在嘉祐有若臣脩擢繇禁林登貳樞極帷幄收頗
殺之績樽俎折董允之謀無競維人式序在位翰林
學士知制誥兼侍讀其養剛大之氣好深湛之思學
補乎中庸總五經之眇論文澤乎仁義信三代之
灼見俊心贊爲名命代言溫雅發號施之罔不

論謂代頌陳善閉邪謂之敬。要訪河西之邊事。咸登
山東之詔書。嘉其知軍戎之情。進而與甲兵之問。爾
敬則告我武。惟揚噫。夙夜基宥。單厥心。勿替協恭之
助。國家問暇。明其政。具嚴思惠之防。以又受民俾之
先烈。可授同知樞密院事。

起居舍人兼侍講除中書舍人兼禮部侍

郎誥

勅周史之掌贊書。列于禮典。舜官之出帝命。先以秩
宗。朕茲崇譽。髦藻飾治具。迪簡敷經之彥。久儀著筆
之聯。錫我茂恩。對時妙選。起居舍人兼侍講某簡奏

載采博善好脩砥行之名濟濟扶陽之禮弼中彪外
衷衷樂安之文仁義其言藹如直諒多聞益矣欽起
居而在右君舉必書考仁聖以陳前古訓有獲不從
朕志曰求厥章昔元祐擢軾於靖塗晉司帝制紹興
寘遵於鳳閣復貳春卿惟文學咸精能俾播告不匿
指咨爾兼組貢于演綸爲誥有古風罔俾仲舒之數
同日加兩命允謂知章之榮予欲善辭今以華國汝
爲予欲觀會通以秩典汝翼庶幾終譽式克欽承可
授中書舍人兼禮部侍郎

詔

舉廉吏詔

勅門下周聽治以六計廉善居先漢辟士以四科清白爲首朕灼知有俊誕保受民惟前代廸厥官不肩好貨凡正人羞其行庶幾成風嘗賜札以律貪復作銘而申訓曾是在位猶從匪彝鞭撻不已而寵賂章簠簋不飾而節行缺退食鮮羔羊之操虐民多碩鼠之譏念激濁在於揚清而瘴惡莫如彰善神爵獎朱邑之潔治盛循良關元旌王丘之廉風移苛燒一賢蒙擢百辟鄉方肆公道之天開閔頽波之瀾倒克正罔敢弗正旣昭德以塞違進良以率不良與厲精而

更始咨爾承休之序。予美俗之懷廉。欲得其真。公
選潔修之士。舉皆賢於已。博詢樞履之原。內則如光
祿之薦王嘉。外則如河東之察黃霸。人之有猷。有守
具以實言。子其懋賞。懋官。亦克用勸。故茲詔示。想宜
知悉。

舉將帥詔

敕門下。朕監徹桑末雨之戒。軫采薇治外之憂。熊羆
又王家。昔何多於英傑。蛇豕食上國。今未救於晝垂
風寒。僅數處以護吳道。敵欲多方。而誤楚荆。益慮深
於唇齒。湘廣備缺於腹心。雖錫斧鉞。而啓元戎。猶聽

鼓鼙而思猛士食靡忘於鉅鹿志孰奮於伊吾內無
舉奉世之臣外乏代崇文之將朕爲拊髀戎將生心
昔高廟歲舉六科智勇是選孝祖薦格五等謀畧爲
先率由舊章深詔執事詩書如郤縠豫思元帥之儲
策慮若陳湯勿求備行之備接異能於藪澤拔奇節
於偏裨爪牙官備不虞汜成固圉之績履屐間得其
任無愧知人之明惟爾之能求朕攸濟故茲詔示想
宜知悉

表

代侍講說書官爲釋筵進講孟子終篇謝

賜金帶牙簡同侍讀修注官謝賜秘書省
御筵及鞍馬香茶進詩表

臣某等言伏蒙聖恩以經筵進講孟子終篇賜臣等
金帶牙簡并賜秘書省御筵及鞍馬香茶香華光講
藝備觀亞聖之書蓬省賜筵並錫多儀之寵感洪恩
而播詠瞻丹扆以聽言臣某等惶懼惶懼頓首頓首
竊以漢帝論經虎觀侈賜衣之渥唐宗嚮學瀛州疏
給膳之榮意皆寓於隆儒禮植豐於接下矧軻書之
眇指傳孔道之正宗由義居仁七篇之言靡不載垂
憲詒後百世之王莫能違於穆熙朝若稽丕訓祖禹

闡明於元祐表臣專繹於紹興逮聖神尊德以有爲
於問學逢原而自得細旃晝訪聆責難陳善之規峩
弁星環探知性盡心之緼華編甫徹諛聞奚禪疇侍
言誦說之勞暨著紀纂修之職鏐鑿絢采復盼象齒
之珍王罽示慈咸綴麟臺之席上駟式調於沃轡團
龍交粲於奇芬稽古所蒙省躬莫稱歸美以報拜手
載歌贊智聖之大成述君臣之相說辭陳約禮遠瞻
積翠之篇句寫賜牋俯效集仙之飲退慙斐墨曷對
闕休茲蓋恭遇皇帝陛下居安資深守約施博存神
過化與天同流明物察倫取人爲善覽大賢之論集

興盛治之雍熙德醉縱容秩大清之華燕幣將歸奕
邁崇政之彛文_臣等識愧寤疑恩霑同樂讀古書而
尚友諒懷望道之恩頌清廟以致平期盡正君之義
_臣等無任感天荷聖激切屏營之至謹各齋沐撰成
謝恩詩隨表上進以聞_臣某等惶懼惶懼頓首頓首
謹言

代宰臣以下賀奉安光宗皇帝寧宗皇帝
寶訓寧宗皇帝經武要畧今上皇帝玉牒
日曆會要禮成表

_臣某等言恭觀奉安光宗皇帝寧宗皇帝寶訓寧宗

皇帝經武要略今上皇帝玉牒日曆會要禮成表文
謨武烈竝揚二后之休漢典唐經參著一王之灋森
寶儲而日揭粲縟禮以星敷臣某等歡抃歡抃頓首
頓首竊以監先憲求多聞尚書垂範有常德立武事
周雅紀功迨開成標帝籍之名暨魯史謹策書之體
至若觀會通而行禮尤先撮機要以舉綱茲萃進於
一時宜輯成於五典允哲光皇之揖遜於昭寧考之
儉勤燕翼詒謀焜燿億萬年之訓攘夷復古堅凝三
十載之規有嚴論述於史筵申命纂脩於宥省天啓
離明之治日新賁象之文洽媾化於登三燬鴻猷於

襲六瑤編溫潤金鑕閱嚴繫日繫時哀嘉熙淳祐之
記注有倫有要粹寶紹瑞平之憲章討裁分飭於羣
儒尊閣載差於穀旦韶鈞燁煜羽衛歲蕤絢繅采以
展儀瞻冕旒而執讀事該經緯備清覽於邇英瑞集
圖書肅秘臧於廣內恭惟皇帝陛下心傳精一學懋
緝熙道德風烈之庶幾適追來孝制度紀綱之能永
勿替歷年功光祖宗政布方策率彝章而由舊據行
事以鑒新文武大略舉焉聖而繼聖禮樂庶事備矣
書不一書臣等欽覲聲明欣逢熙洽始於勤而治內
外願駿惠於閱摹拔厥文而作春秋嗣鋪張於偉蹟

臣等無任瞻天望聖激切屏營之至謹奉表稱賀以
關臣某等歡抃頓首頓首謹言

露布

晉前鋒都督平兗青州露布

尚書五兵臣元等言臣聞天下之義當混爲一我伐
用張仁人之兵所存者神無遠弗届迪上帝命付中
國民徐方旣同而來庭宣王復古齊地悉平而振旅
世祖重光整我六師如雷霆植十二郡之旗鼓不圖
今日載纘武功恭惟皇帝陛下體乾粹精位履中正
凝江寧神璽之祚至于萬年開吳分歲星之祥綏以

多福有方行海表之略無宴安江沱之心惟氏黷凶
至堅孔熾吞燕涼而荐食介鱗易我衣裳闖朔燕以
長驅蝨賊荒我居圉敢行稱亂不戢自焚師克在和
雖武騎無所用天助者順聞風鶴皆爲兵一戰而
水之勲三捷取壽陽之境匹馬旃輪無反乃滅而
簞食壺漿以迎曰僖予后謳吟思漢震動附周臣安
請乘破竹之機分命采薇之率復舊都在此行也清
四海可失時哉臣等以先啓行敷奏其勇辟四方徹
我土誕將天威獎三軍定中原翦此朝食推鋒而造
渦潁抗旌而次彭城彗埽星流席卷雲徹欲快心於

狼望虜舉秦若鴻毛虓虎濯征困獸猶闕張崇守守充
河而假息符明據青社以每生食堪靡懷寢薪莫悟
矧河南城堡之皆附寧山東德化之未孚乃遣劉襲
攻鄆城崇棄甲而遠遂復俾高素向廣固明因壘而
來降穆如清風丕冒出日齊變至魯魯變至道載戢
干戈汶達于濟濟達于河底謹財賦遂鼓行於司豫
汔盪穢於羌髻時靡爭而心載寧君之訓而臣何力
斯皆帝德廣運聖武布昭歸鄆謹田用儒無敵揚文
武烈圖功攸終于以正六龍御天之君豈止保一馬
浮江之緒臣等共武之服賴天之靈洛邑朝諸侯望

翠華之回軫營立發嘉號映玉牒之脩封臣等無任
慶快激切屏營之至謹遣某官奉露布以聞

唐劍南西川節度使同中書門下平章事

破吐蕃露布

尚書兵部臣臯等言臣聞天討有臯兵應者勝義者
王夷不亂華師直爲壯曲爲老多助之至四極爰轅
正觀則同羅擊延陀開元則九姓殄默啜曰商莫不
來享犯漢雖遠必誅德風鷄虜河源武節愴虜月窟
率寧人之有指先元戎之啓行用信威光祖宗不以
賊遺君父恭惟皇帝陛下宣昭義問敷寧武功繼入

葉之鴻圖奮四征之雄畧懷臯鷗銷棧沴稟印大和
剪鯨鯢清郊原掃除羣穢王猶允塞我武惟揚竒幹
善芳各脩貢職條支若木咸順指令邈積石之遐陬
有吐蕃之醜類侵敗王畧倍奸齊盟乘邊將之騁兵
瞰戎亭之虛候爲蛇豕食上國盡盜河湟帥蝥賊搖
我彊再驚畿甸騎塹敢於深入鑿蹕至於親屯擱然
授兵協以謀我尚納汙而含垢姑通使以結和清水
之盟未乾好時之師已聚指涇靈而徼賂闖鹽夏以
擣虛夷德無厭弗悔衽金之旼楚氛甚惡輒興衷甲
之謀蠢爾爲讎整居匪茹維時南詔慕化中朝先零

之質諸羌雖嘗并力麋人之率百濮罔不離心頓顛
於邊受命于吏斷匈奴之右臂羈南粵以長纓燕貉
輸致騎之勒晉戎成擒麕之執彼旣失鐵橋之險我
遂克峨和之郭盍竄匿於龍虎復虔劉於麟塞戕我
守將墮我俾隍脩戈矛與同仇靡室家不遑處臣等
請奮其旅以殲乃讎鳳翔振武靈武之騎獵其西邠
寧太原涇原之兵震其北率山南熊罷之校暨東川
貔虎之師烏蠻撓其腹心回鶻擣其肘腋衆素飽矣
宣大治之諸將陳洎等統五萬軍出十一道濟師西
潁之半策勲壯陸之初盪平七城斬馘萬級獲鎧械

十五萬計燔堡壘百七十餘遂賈勇而圍昆明將乘
勝而定青海僞東境五節度大使論莽熱釋朔方之
衆援維州之城九攻九却之計窮七縱七禽之威速
連連執訊矯矯獻囚不然我薪而自焚有如破竹之
立解拂廬魚潰甌脫兔犇谷靜山空行就焉耆之僂
區殫域滅汭聞智盛之降斯皆廟謨淵深神斷天造
明見萬里運竒掌上之兵守在四夷制勝目中之虜
勒功滇池之柱植表赤嶺之碑一怒安民文之勇也
三軍用命克何力焉臣等承帝之明敵王所愾開遠
門揭候坐收西極之舊封紫微殿受俘重覩崑丘之

茂績臣等無任慶快激切屏營之至謹遣某官奉露
布以聞

檄

漢丞相諭告巴蜀

漢元年夏四月丞相何諭告巴蜀郡縣蓋聞天之所
勅者順民罔常懷懷于有仁秦失其正豪俊麋沸雲
擾摩牙而爭之惟漢王先入關扶義而西爲百姓請
命秋毫亡所害代虐以寬若時雨降民大悅項王滅
德作威爲天下宰不平反易天明思肆其罔極義帝
越在荆蠻未有攸底漢王失職之蜀民亡不恨者

王有背約之名。天下畔之。諸侯之兵四面而至。夫一里之厚而動千里之權者。地利也。昔秦西有漢中。南有巴蜀。謂之天府。沃壑千里。餘糧棲畝。轉粟西鄉。方舟而下。天所以資漢也。秦三將亡。尺寸功。鬻其國而王之。慈父孝子將接刃以復怨。及其鋒用之。若奔兒之觸魯縞。未足以喻其易。王已拜大將軍。信決策東伐。朱旗一麾。三秦必從。風而靡。被山帶河。四塞以為固。乘利席勝。人人自為戰。雖有智者不知為楚計矣。項王亢不乘。奸齊盟不順。所過殘滅。不仁師曲。為老其疆。易弱。傳曰。不嗜殺人者能一天下。湯武是也。漢

取天下。可以萬全。巴蜀固多奇士。有從漢者。尊顯之。
雲起龍襄。維其時矣。爾父兄其帥子弟。比善戮力。墾
菑除害。毋陰拱以觀其孰勝。王之入關。悉除去秦法。
舊染汚俗。咸與惟新。縞素為資。珍物無所取。非富天
下也。養其民。以致賢人。行仁政。而王莫之能禦也。楚
雖大。何畏焉。用歷告爾。新造邦。尚永以旻爾。田寧爾
居。毋蠢不靜。以自速辜。吏以仁誼教訓。辨告勿行苛
政。明聽之。毋忽。

唐河東保寧等軍行營副元帥諭晉隰慈

州檄

興元元年八月某日。河東保寧奉誠軍行營副元帥
北平郡王燧檄告晉州要君廷珍隰州毛若朝狀慈
州鄭君抗及將士吏民等。蓋聞率土莫非臣。蓋念在
三之訓。明王伐不敬。有嚴討貳之刑。義士不求生。以
害仁。智者能轉旤而爲福。其畢棄咎。咸與惟新。我國
家九葉繼明。億年凝命。天保以上。采薇以下。內撫外
縱。濮公于北。祝栗于南。德洋風普。神旌遞引。奠窳咸
誅。堯治時邕。猶有青丘之梗。舜風天幃。未除丹浦之
凶。李懷光奮渤海之俘。授蒲津之節。始謂狙之作使。
不虞鷹之易颺。奔命醴泉。粗展勤王之績。請朝行闕。輒

裏犯上之謀。猶念前勲。婁靡好爵。張萌牙於霜雹。悖
木水之本原。升鸞之謀肆行。巢父之使弗返。奪二軍
而殲良將。剽三道而翦近畿。豕心莫悞。鷓音不革。已
復漢京之日月。載揚周旅之霆雷。幕府承命。齋壇建
牙列鎮。正正之旗。堂堂之陳。莫我敢承。赫赫厥聲。濯
濯厥靈。有征無戰。渾侍中率同陝之士。韓僕射統邠
寧之師。唐節度虎視鄜坊。駱將軍熊踣鎮國。風雲助
氣。草木爲兵。詔參伐以清氛。命招誓而繕怒。不埃前
茅之邁行。成獨柳之誅。惟爾三州之士夫。夙被繫朝
之德澤。嶠從處仲。適受逆汗。遵事隗囂。豈爲賊守。帝

魚假息。充兔粘危。犯大義者衆。必攜作不善者。神弗赦。歷數古今所記。未聞叛逆獲全。惟岳阻兵。汜膏齊斧。朱泚竊號。亦梟梟街。矧茲狄孛。敢干天罰。犬馬猶有主。覆載不容。鱸鮒取以封。脅從罔治。聖上禹湯罪已。文武行仁。凡鳴狐假王之妖。首鼠觀釁之將。莫不匿瑕宥戾。磔垢滌郵。雖三子猶存蓬艾之間。豈太陽不回。葵藿之照。尚式王命。共惟帝臣。勿相依於輔車。以俱焚於玉石。儻能洗心效順。解甲來歸。勸獻關東。疏封帶礪。融全河在。紀烈旂常。若迷復怙。終充豫不。斷踏于顯戮。謚爲至愚。豈惟數虐多方。亦將遺臭千

載請擇二者永肩一心耆定爾功復見弓櫜而戈戢
式化厥訓庶幾世變以風移檄到如章書不盡意

箴

漢典星箴

惟天不言以象設教惟聖時憲以星爲紀昔在顓帝
司天有職堯命四子爰考星中蒼錄質降靈承乾則
保章志變馮相會位下逮列國亦有司星宿離步占
咸宿其業炎劉闔統顧諟明命治星列于太史候星
設于靈臺歷志道紀復有典星太初之元更造密度
時則射姓與其議永元四禩考驗黃道時則姚崇并

畢等十二人言其灋厥初建官將以欽曆象在璣衡
非徒傳臯唐甘石之術而已天星體生於地精成於
天爲名百一十八積數七百八十三在朝象官在野
象物在人象事此動彼應上下同流存於君心著於
稷象伏見蚤晚政治之候飛流陵歷踐履之符宋有
善言星斯徙度齊無穢德慧乃可禳以人占天休咎
景禱漢之星官茂明斯道必將誦節儉之規而泰階
六爲不待臣朔之陳矣必將述寅畏之訓而清燕指
圖不待臣向之奏矣若稽史籍箴諫茂聞而元光星
擣之異僅載候星者之言視虞人執御寧無愧與紬

釋漢事爲補亡之箴曰

煌煌乾度

臨下有赫

百十八名

象載昭察

星官有書

肇自有熊

德隆晷星

清明在躬

舜察機衡

勅天之命

周辨妖祥

以詔救政

我漢懋德

寅畏明威

步占列宿

臣敢不祗

衡正階平

維文節儉

民勞星搭

維武征伐

見道知治

以人占天

暗室脩省

辰緯森然

心曰前星

建嗣必豫

畢爲天街

邊氛是懼

三能未齊

論相惟人

營室雖中

主功勿興

五緯珠連

填爲之主

心思先正

五事咸叙

女官在後 次乎少微 賢賢易色 對越不違

監于建始 爵私外屬 稜象著郵 流星下燭

監于永建 寵任左貂 葦弗垂異 適見招搖

母曰蓋高 陟降左右 母曰不顯 景嚮休咎

鏡考已行 應不以文 滿闡誣天 匪臣攸聞

長星紀元 德星貢佞 顯穹仁愛 云何弗敬

母汨緯候 謂菑可移 母泥分壑 謂國無危

剪陳階符 向指圖狀 矧臣亢職 敢忘諷上

欽若曆象 兢兢如堯 小臣司占 敢告內朝

漢柱下令箴

聖人鴻天建官印稽乾文北極之東一星彪列柱下有史是則是憲在周曰聃在秦曰蒼以記言行以掌方書漢祖肇基烝髦顓俊官師諫爭罔匪正人旦夕承弼厥辟若昔愆王起居必欽號令必臧實賴左右之士廸于丕彝秉筆殿楹如戎夫倚相之職曷可以謹其選維五年命山都侯王恬啓爲柱下令所以司紀載謹言動也百官表書恬啓爲郎中令功臣表兼述之顏氏以爲主書之史考諸傳記法冠曰柱後侍御史曰柱下尹東都樂何之徒抗議柱下有繩愆格非之責焉夫衛武之聖史不失書魯莊之闢書而不

君德崇替常必繇之二漢舊章世有注記而孝武
錄于禁中永平簪于宮掖官失其守豈識高皇帝闕
遠之規與敢擬揚雄之作而箴其闕箴曰

巍巍萬乘

天臨淵默

歷之春秋

言法動則

載筆有史

造耑帝鴻

我漢初基

山都是庸

表裏交修

身度聲律

臣節不回

方駕狐佚

媿惡無隱

欽乃適司

百九十篇

著記昭垂

監于周季

仇忠比佞

聘居是職

雖賢罔任

監于嫚秦

翳諫飾非

蒼備厥官

雖失不規

作而不記

匪德之盛

必遠其猶

訐謨定命

書而不法

俾後可觀

必謹其行

無敢遊盤

翦桐有諷

如棠有諫

毋味諂言

以直爲訕

倚凡有訓

書樞有銘

毋違宵人

以逸肆情

思古良史

左誦右頌

云何成憲

砥于中葉

內廷纂錄

自親其文

諸儒雜定

直筆茂聞

君舉必書

繩其祖武

史臣司過

敢告誓御

銘

商王馨銘

樂以玉振之終條理也惟商王受球膺命作樂曰濩九招展露是修是歌入音鈞諧神人洽熙垂裕後昆

明德恤祀猗那有頌奏假烝嘗鼓管和平來依磬聲
先祖聽之歆馨降嘏微哉淵序昔稽毛傳磬象物成
鄭箋述之指爲玉磬蓋和聲依永無相奪倫非泗濱
石所能致必續臬其璞清越其音始克爲衆樂之綱
紀音者削磬九成鳴球在上四代樂器拊搏並隲虞
夏舊章惟商時憲想夫三牖之寶空同之玉廼磨廼
琢從律中度虹氣宇達煥乎崇牙于廟于郊翕純皦
繹眡叔之離磬周之笙頌不侔矣頴達書疏兼述商
頌且謂磬垂堂下尊而進之宜與湯盤俱列銘典漢
有璆磬猶播雅詩茲不可亡識其銘曰

瑟彼球玉

昇于武湯

維玉之聲

清越以長

思昔鳴球

合奏舜堂

后夔拊之

獸舞鳳鵠

矧予湯孫

奉時烝嘗

豈無玉豆

肆享先王

亦有玉卬

清酤是將

奏假維何

荷那一章

曰鼓淵淵

曰管將將

衆音疇依

磬爲之綱

典寶之珍

烈祖所藏

載攻載錯

摩其崑旁

銷鳴應律

崇牙高張

大濩始作

萬舞洋洋

集厥大成

雅韻清揚

聞樂知德

如圭如璋

王假有廟

申錫無彊

禹興九招

貢石徐梁

東生西頌

周典有常

孰若英璞

鍾粹乾剛

神之聽之 自天降康 鬯圭竝寶 篚見魯邠
紀甌借賂 器存寶亡 惟德其物 專燉有商
制陋漢梢 瑞軼夏璜 勒銘于虞 德音孔彰

周瑞節銘

維周王撫萬邦征不庭旁作迓衡治定制禮諭志以
使遣使以節制節以瑞重命令昭德信也若稽周官
掌節有職行人攸達厥制惟六金有虎人龍之別旣
有旌符管之異都鄙貨賄曰角曰璽明分殊專用各
有宜惟時邦節瑑以良玉庸輔王命珍圭各守牙璋
治兵穀圭七寸和難聘女用焉琬圭琰圭九寸治德

易行用焉典瑞辨其名玉人著其法康成釋經兼述
五者謂之瑞節想夫井里之璞禺氏之珍追琢其章
虹氣孚達張旛濡轡肅將明指執而致命拭而展幣
輝威彰信風動霆行文告義征罔敢不率覲圭鬯寶
臚湊羣辟欽我王度如玉之純卅有一歲則命廣行
而達之和難弗辟則與調人而執之達揚適昭德罔
禮洽皇庠燬哉其守邦國之大寶與內史過曰瑞節
以鎮之秦西乞術曰瑞節以結好聘禮圭纁九寸康
成亦以爲瑞節宜在銘典匹休嘉量敢爲補亡之辭

曰

於皇時周 王度如玉 宣昭義問 函夏砥厲
節傳四馳 灋式鼎新 侯角侯璽 或竹或金
皇皇者華 有嚴遣使 追琢虹璞 猶名曰瑞
守以掌節 達于廣行 玉人裁模 典瑞辨名
瑟彼珍圭 鎮安方國 名爾封守 惠爾薊阨
七寸鉏牙 起旅之璋 和聘有圭 穀文孔彰
羣辟承德 時聘歲覲 曰琬九寸 要結好命
彼不庭方 慝行未除 判規之琰 廻論迺誅
咨爾王人 所寶惟信 來旬來宣 圭璋其聞
寶不踰把 光溢周原 以瑞等邦 式禮莫愆

軼漢虎符

異魯龍輔

舜玉湯球

參嫩前古

侯氏奉璧

蠻方獻琛

不令而行

佩我德音

瑞雖有五

王心惟一

欽哉膚使

眡此琛刻

記

漢百官朝會殿記

皇漢稽古建宮立三公應台鼎司徒爲丞相之任贊
元穆緯位冠列辟中興一葉憲度鴻明號登永平越
十五載更作司徒府于開陽門內光觀壯麗萬國具
瞻廸惟詢謀僉同虞書垂訓謀及卿士禹範陳濶時
有大政政有大疑必集羣臣議之咨一相決之廼於

司徒府建朝會之殿呂繹師言審國是煥庠一代闕
規也棟宇修廣史策無述獨於周禮注漢官儀律曆
百官志注概見顛末庸識其事呂禪史闕太微中居
列宿環拱聖王正表着之位辨廉陛之等灋掌天也
蒼姬制禮天子三朝燕朝列路寢之庭太僕掌之治
朝居路門之外宰夫司士職之惟時外朝胝內爲重
雉門外者小司寇以詢萬民三公州長暨羣吏敘進
臯門內者朝士掌建其灋孤卿大夫暨衆庶咸列蓋
建朝于外則尊卑之分肅谷謀于朝則上下之情孚
公聽竝觀訃謨定命聚精會神之地其可忽諸漢監

秦轍達聰垂明高皇肇基下詔長樂相國建議實始

權輿或大議殿中或會議温室朝堂百僚之位有蕭

曹魏邴之謀謨公卿以下朝會坐載於成紀建始元

年之注坐而論道流風猶存丞相府有四門隨時聽

事坐未央廷中單于拜謁體貌匪不嚴也然問望之

計策則遺中朝持單于之語則視中朝具復廟之文

則詔中朝臣議王嘉之事則下將軍中朝者丞相呂

下爲外朝顧不與焉官府體分與周異矣黃霸問郡

國計吏舉孝悌爲一輩先上殿說者謂丞相所坐外

朝之制畧而未詳東都重熙印憲周典德陽朝羣后

象魏旌舊章上儀禮容煇耀千古瞻詹公府輪奐未
崇經之營之通新廣殿彤庭殖殖左城右平王僕更
衣于殿之西位宁森嚴規撫璉敞堯衢室舜總章何
臣侈茲國有太議車駕親幸其殿則應劭之書可證
百官會府公殿下則蔡邕之言可稽續志適紀熹平
四禩臣光臣晃傳奏曆元乙卯詔書會司徒府議邕
集所載在三月九日其位校尉東面侍中郎將大夫
千石六百石南面議郎博士北面戶曹令史西面中
坐讀詔臣邕前坐侍中西北近公卿與光晃問難朝
章邦典賁然明著想夫三事在位百辟在庭周爰咨

諷知略輻湊帝暉下矚稱制臨決衡石公論著蔡羣
疑匪徒會同有繹而已故龍闕對峙棖題輦飛人不
以爲華鈴鼓不設扉闥洞闔人不以爲簡鳴玉俄冕
翼翼翔翔吏治否臧民生休戚天聰四闔無隱不獻
受計則計吏數百人拜于庭中舉謠言則掾屬令吏
會于殿上崇輔弼曰尊國體意深遠哉若廼論於白
虎朝於雲臺見於宣明問於崇德隆寬盡下史不絕
書兼聽廣謀莫若斯殿康成釋禮兼述漢灋於朝士
曰今司徒府有天子以下大會殿亦古外朝於檇人
曰百官朝會殿天子與丞相舊決大事是外朝之存

者劉昭謂于寶之說殆未深攷小宗伯肆儀爲位康成謂若今肆司徒府又非止爲大會設矣蔡邕紳書東觀立朝會志未就詳莫得聞竊嘗考之周中朝聽治漢前殿也周內朝圖嘉事漢宣室也東都前殿爲路寢嘉德爲燕息見于張衡之賦而景兼傳云公卿會議常上殿訪邊事若袁安班勇皆於朝堂上書會議又有名百官議朝堂詔百官大會朝堂亦外朝遺意通典曰周有四朝而言三朝者詢事非常朝也是殿其詢事之朝歟聘禮君與卿圖事康成曰謀事者必因朝其位君南面卿西面大夫北面士東面漢制

蓋倣此云謹記

唐七學記

有唐觀人文化天下高祖太宗戢兵耆武尊右儒術
綴禮正樂憲度著明庠聲序音鏘旬金石稽古建學
厥制維六元宗纘緒復增其一課試有灋訓廸有師
德甄兼該總于冑監譽髦斯士雲合霧集豐規茂矩
冠冕百主宜被厥文具詳登載謹參合百官選舉志
儒學傳序六典會要而記其畧夫教亦多術矣開敷
路而翕受皇極之化也萃羣材而樂育菁莪之仁也
帝治時邕成均肇建有虞養老庠分上下夏氏設教

序列東西左右郊官商學殊制作人造士匪一而足
蒼姬之盛教典尤備國學合子弟太學食老更四郊
有庠門闈有學或讀拜灋或習書數達材成德道化
渾融祭義攸述爲學有四保傳所紀爲學有五學記
之注曰內設師保外有庠序六學之制於茲可考治
古逾遠彛憲無傳漢立三雍晉興兩學元嘉四學之
制天監五館之開各存實亡駁虜亡議惟唐文治炳
蔚上軌成周鉏類夷荒鴻業甫定生員之置肇于武
德元年五月周孔之祠建于二年六月恢儒鄉學敷
遺後聖爰暨正觀駿惠前猷臨幸國庠延額儒彥肆

業之舍廣爲千二百區著錄之生益爲三千二百六十員施于六葉增闢學館襲舊爲七若三品以上子孫國子學教之五品以上子孫太學教之曰廣文以領國子生之業進士者實維天寶九載七月乙亥之制曰四門以授七品之子及庶人之俊異者實維元魏太和二十年之制律學昉于晉梁復于正觀六年之二月又復于龍朔二年之五月越明年以隸詳刑而律令格式灋例於是習焉書學昉于晉隋復于正觀二年之十二月又復于龍朔二年之五月越明年以隸蘭臺而石經說文字林於是習焉算學沿隋之

舊置于正觀二年復于顯慶元年越三年九月廢之
以隸太史及龍朔二年復之以隸秘書而九章五曹
綴術緝古之屬於是習焉訓導之職有祭酒司業博
士助教直講孫其業也舉選之科有秀才明經俊士
進士明灑明字明筭與其能也業成則丞莅試不率
則簿舉法嚴其訓也國子有五經博士廣文有知進
士助教重其選也助教或十年始遷博士或十九年
不易顯其任也生徒之數國子二百人太學五百人
四門千三百人書律及筭總百十人元和三撰申命
更定西京自八十至十人東都自十人至二人而國

子學有大成。上元二年初置二十人。開元二十年復省其半。若舍奠齒胄之儀。皆行於國子學。又本末先後之序也。想夫紆袂鼓笥。來游來歌。鴻生石師。論難衍衍。投紱懷璽。濡化染學。元武飛騎。垂於講習。新羅百濟。挾策吟誦。豐芭燕翼之澤。棫樸追琢之章。政燬俗醇。作周匹休。猗興懿哉。鋪觀唐史。立學闡教。蓋非一端。左省弘文武德之制。東宮崇文正觀之規。竝置生員。是爲二館。秘書小學以誨皇族。內文學館以訓官掖。崇元有學。以習老莊。郡縣諸生。差列二等。若崇化厲賢之原則。自七學始。以至龍朔改司成館。

更成均監司成宣業官名婁易茲不備載按鄭虔傳
廣文寓治國子館李庾西都賦曰左立太學前列廣
文選舉志止言六學何蕃傳亦云六館意者一學合
爲一與韓愈上表有七館之稱併書以識舊典謹記
贊

寶元紫微閣御篆贊

天隲下民闔我宋離明之運三聖傳序文治彬蔚睿
暮宸藻光摩璧奎越我仁宗皇帝重暉襲明日燭月
霽稽經典學苞舉執圃穗書絲字入神出天顧瞻玉
堂爰暨秘閣昔在淳化龍牋紅管躬灑飛白霞舒鴻

翫昭揭霄漢矧時右掖發令代言常揚高崔振纓接
鳥儲清聯邃宜闡宏規寶元之元律中夷則日躔庚
戌渙發宸指鳩工建闕暈飛鳥革穹麗豐瓊凌轆石
渠天祿翔鸞棲鳳右廼御帝鴻之墨海挾漢宮之寶
跗冠名紫微載篆戶冊金壺霏泚鑪錘造化如商盤
周鼎之識如羲畫禹銘之文非煙祥風緣飾萬象丹
青綸綍益煥其章開元集賢之題莫能窺帝書萬分
一臣竊惟仁皇多能天縱邇英延義左右圖籍羣玉
藻珠優繇篇翰景祐律準之字皇祐明堂之顏八體
六書神摹心造韜軼頡頏前無千古斯閣之扁文化

恢焉儒術宏焉... 以象未央... 首書太極... 奚異螢耀之
擬龍燭與於萬... 年極天比峻... 環宮列宿是衛... 是翼
宜敷厲而顯詩之為無窮... 觀臣... 缺臯書命... 不被昭回
之... 手祇贊贊曰...

以續宣精 紫微環極 維聖時... 設官分...

開不名省 延顓鴻生 秉筆贊命 神化...

濟詰維宋 興與文治 星旅奉鈞 麗誰...

常揚接武 鵠于鵠也 參盤襲典 潤色...

允文仁皇 積思書圃 天葩聖潔 萬象成...

旃夏穆清 瑤管春容 被物成飾 吉雲祥...

萬曆十六年 三母... 六...

律準之畫

明堂之扁

河龍馭執

有赫奇篆

瞻育西批

英彥所躋

傑閣鼎新

上薄凌煙

錯寶之副

元氣沕穆

錙錄小

黉批籀邈

金字特書

玉題揭名

雲漢昭回

篆爲列星

翠綵鳴佩

於焉游息

仰睇慶霄

斧藻失色

蒼宓戲畫

原于綠圖

若神禹碑

刻于螺書

蚪騫鳳逸

超絕畦逕

八瀆森嚴

心正筆正

淳化飛白

木天玉堂

維帝之書

祖武重光

柝符聖製

翔鸞鏤石

維帝之書

文典時式

毫端膚寸

雨露羣生

訓暮渾醴

虞周比崇

追琢其章 辭尚體要 如篆之古 摘華演諾

鸞刀刻銘 寶奎題額 邇英分錫 迎陽縱觀

天球闕臧 鏐繩鈿軸 頰陋唐宗 平雲芒玉

倬彼魯宇 虹采屬天 詩呂颺之 何千萬年

周七律贊

律者音之本也。河圖授義，粵有律凜，含少比竹，昭華刻琯，立均出度，成於十二。黃虞迭造，聲數靡易。律之有七，其周之盛，靈武王燮，伐適駿，有聲於鑠。王師致天之屈，惟十有三年。歲躔鶉火，月旅天駟，日紀析木，辰集斗柄，星次須女，是協天龜，五位三所，合而用之。

絲張及房其宿七列。繇午至子其揆七同。數合聲。繇播之音律。二月癸亥。畢陳。呂夷則之上宮。于牧之野。布戎。呂黃鍾之下宮。太簇。下宮。呂布令。無射。上宮。以布憲曰羽。曰厲。曰宣。曰羸。簫。勺。陰陽。正變咸備。翕純。皦。繹。神人治熙。勝殷。遏劉。無競。維烈。律之時用大矣哉。司樂典同。宋寥亡詔。景王二十三年。問伶州鳩意。謂五聲及宮祉之變。州鳩鋪敷數度。外傳載之。鏗。訇。渾。鏗。如聞象武宿夜之奏。隋志明舜樂之七。始杜預。釋左氏之七音。琴爲七弦。則淮南之注。律爲八十四。則服虔之說。戊午至甲子七日。則孔穎達之疏。楚語。

七事樂纂七聲或云七宗或爲七調七均咸自州鳩
啓之稽諸六弼律可知敵大師執律爰聽軍聲武王
兵書昭著丕式史遷謂推春至冬柳宗元謂太武律
變漢加應鍾唐終南呂至有除黃鍾而首林鍾者音
官失傳久矣周玉律有八江左世葆之茲律不呂器
傳而武之七德寓焉庸墨筆操牘而作贊曰

龍畫肇分

律繇數起

鳳鳴旣聽

聲以月紀

於皇時周

燮伐戎商

廣文之聲

我武維揚

卬詹北維

頰察周歷

姬出天龍

稷緯辰馬

維鶉及駟

躡次有經

自午至子

會朝清明

上協于五 列探呂七 聲數自然 寫之玉律

大師載歛 下土其宮 羽以夷則 厲以黃鍾

大簇無射 布宣憲令 昭德柔民 徂維求定

陰陽遞代 宮為之綱 既備乃奏 鎗鎗將將

矢于牧野 莫不震疊 振旅羸內 惶歌鏜鞳

爰命司馬 執呂獻功 功成作樂 詠鳴肅雝

琴增七弦 頌美七德 典文匱武 蕭勺羣慝

往著再始 復綴六成 窮本知變 樂行倫清

七衡之響 紀于舍少 侯今之制 威聲燁燿

七始之錄 颺于劓磬 侯今之制 德音孔昭

宿夜失傳

象武孰志

均調猶存

正五變二

一氣二體

八風九歌

終始相成

天地同龢

聲與政通

茲律維則

播以雅詩

時萬時億

頌

至道朝元殿冊皇太子頌

天以宋克堪用德迪從子保萬億年永孚休太宗皇
帝廣聲揚烈燕及皇天幼海五潢發祥流慶壽街辨
犢虎闡齒冑金聲王裕敷聞在下帝惟有道之長必
蚤定豫建鞏我邦丕丕基至道之元仲秋壬辰誕布
明制肇闔承華丁酉詔臣白贄禮儀申敕有司曰上

嗣主鬯古有冊命百官會位太極臨軒則漢唐之典
在備物盛容揚于大廷丕天之懿鑠也咨汝悉奏其
儀朕將御路朝行之繇是頌家儒官稽經綴禮范金
爲寶厥方二寸龜紐朱綬鏤璿爲冊厥簡六十錯以
龍螭展詩應律厥名正安奏以二曲疇咨太史歷吉
季秋供張宿陳容衛盱飾黃麾設仗鸞車充庭葆佾
旅階鐘石在虞萬官千品駢壁交舄中嚴外備禮牟
元會銅扉洞啓玉契載盼皇太子冠遠游服朱明端
士正人前導後翼丁卯之旦皇帝被袞龍下彫輦御
于朝元殿天華夾霽日宣重光聖言溫純參盤襲誥

紫微令讀之。左庶子受之。穆穆儲儀。丕承顯命。上公
羣辟。蹈舞稱賀。遂展慶于清宮。目銀榜之題耳。搖山
之音。煥虜重離之光。麗焉赫虜。洵震之響。發焉越三
日。庚午。金路羽衛。祗見世室。璇輪回軫。都人具瞻。矧
尾齒鯁。未覲鉅燄。湛恩作解。霽動四域。光溢雲漢。榮
鏡宇宙。猗與休哉。是殿為周外朝。唐含元。實朝會冊
拜之地。雍熙元年七月壬子。改乾元為今名。天禧行
于天安。乾道藏于大慶。衣言繩武。永作彝憲。洋洋帝
者之上儀。宣政紫宸之禮。比茲褊矣。宜命鴻生。茲次
初詩。繼樂府四章之作。臣敢鋪藻而賜言曰。

古帝命宋

靈承子旅

葉萬年億

重規疊矩

皇矣太宗

盛德淵溥

文條武鬯

四方無侮

永錫祚嗣

椒實蠡羽

鷄吉貳觴

有秩斯祜

於昭元良

賢能繼禹

朝夕寢門

春冬胄序

溫文恭敬

川原印浦

若昔令猷

入監出撫

離照相續

電鬯是主

萬國以正

建立必豫

通駿有聲

知子惟父

渙其大號

命爾儲副

判經摠頌

自我作古

司空讀冊

漢有憲度

暨唐太極

肇新儀注

予其時式

徽典備舉

范金琢璠

龜紐朱組

縑龍繪螭

騫其欲翫

昭時令日 禮展樂具 巍巍朝元 聖皇當宁

天臨日燭 龍卷繡繡 臚人虎士 擯相何扈

麾仗上黃 星敞雲布 巾車展軫 彪列鹵簿

四垂高張 鱗篋毛虞 正安入奏 銅鳴律呂

翼翼皇儲 夙駕金輅 遠游朱明 命服有楚

鷄戟鸞旌 從呂師傅 延登受冊 陟降拜俯

是承是將 惟左中護 尉臣奏賀 萬官抃舞

扶光若英 重耀霄宇 碧鏤啓扉 肅肅鸚鷺

移班展慶 聳觀玉裕 銅輦班輪 祇見烈祖

乾闥坤樞 神人樂胥 于時公卿 于時臣庶

于時夷貉 交相告語 上儀鴻明 曠古一遇

滌瑕肆眚 巽風解雨 少海之波 流澤率土

唯聖立聖 頌聲載路 長治久安 冠軼三五

燕詒世哲 蹈則繩武 天安大慶 稜容重覩

神孫承承 旗翼丕緒 暉潤作歌 贊述有賦

允鑠聖代 禮宗燬鉅 下臣獻頌 式綴樂府

唐觀德殿飲至頌

唐太宗文皇帝天錫勇智開闢乾坤丕降霖雨割荼
滌第仁聲義實邇昭遠揚羽族卉儀面內稟朔凌烟
置酒頡利就羈未央高會智戴入侍元武燕饗酋長

畢彙豐貂文駟旅于象胥榛履熊冠圖于王會際大
接地武焱旁魄逖彼麴氏長雄高昌文泰猖狂怛威
祇德狐裘納摯扶伏入朝鼠匿雉犇不式王命稱兵
馬首西域遂梗粵十三載季冬壬申爰命驍將濯征
文川駟騎龍旂踰沙軼幕虜渠怖駭日照雪消臨衝
闐闐應鼓如截明年八月癸酉克之智盛請降衿甲
鼓下青海如鏡櫂槍不芒遂殫輶輻藉旣脫灰罽帳
雲蔽虛卷披置郡邑九巖之植櫛于葱嶺鐫功紀伐
卷於西邊左律右鉞軍容燁燿振旅愷入京師十二
月丁酉駕帝服御觀德殿庭燎晰晰羽衛葳蕤鴻

臚舌人、虎賁、爪士、九賓、四貉、咸造在庭。諸將戎服振
振奉俸，藏以獻天子。臨軒受之，廼舍爵飲。至以數軍
實禮也。於是宗伯奏儀司馬辨位，旌棨林植，供張星
敷，金介緹衣，髻髦戴鶡，萬旅鳧藻，踊躍就列，鬲香俎
載百籩，干品壘，罍交錯，犧象靜嘉，房穀體節之羞，醜
清，鄴白之勺，橐飶于頰，行七德九功之舞，羽葆橫吹
之音，燁煜于觀聽。既醉之歡洽，偃伯之頌興，執訊連
連，解解右袵，單于日逐，圜跡瞻臬，金幣軫積，圭組纘
紛，班勞策勲，周帑宏溥，禮成畢賀，于廟薦功，皇澤賜
醕，雲油雨霈，前而順天之獻捷，後而紫微之受俘，禰

代計功莫此爲盛拓地萬里威震八荒隨流而攘鄉
風馳義芳蘭張飲天成浮酒上儀偉觀史不絕書施
于開元契丹授首爰卽酺宴復行是禮宸章賦詠不
顯祖烈於戲盛哉殿在元武門因射立名正觀永徽
咸以上已賜羣臣射總章之元遼東底平卽是宴百
官然武功文容二嫵兼備未有斯舉若者是役也有
臣行本判頌柳谷布昭威靈維茲茂典鋪張猶缺昔
飲御諸友小雅歌之飲至大賞春秋紀之是用作詩
以鴻厥慶頌曰

燁燁太宗

陟禹之迹

天戈遞討

函夏清謐

剗陰披霧 耀以月日 明謨指授 將猛四七

纓厥緜渾 神扶電擊 陵海越障 蛾伏詘郝

聲暨德綏 條支祝栗 簫勺囂頑 正心翊翊

狡焉麴戎 狼性隼廣 雍闕琛賚 不庭不率

皇赫斯怒 剪此朝夕 命率交河 成師而出

旦秣我馬 夕臨其國 長轂雷輜 機駭蠶軼

酋渠灰釘 餘種水釋 鏤體卉衣 係頸銜壁

州三縣五 如入吾室 坦步葱雪 疆宇載闢

葉護齒寒 不戰自屈 抗稷荒裔 銘功樂石

振旅于京 秉鉞執律 愷歌示喜 鼓吹轟激

執訊連連

象胥系譯

六師大獻

天容愉懌

序情閑勞

匪疚匪棘

展儀廣殿

時維觀德

校隊案部

羽林壘壁

削衽改襟

星共陞戟

袞龍臨幄

綵伏盼節

纍纍其俘

厥角丹城

百蠻破臚

墮玉失舄

逆子有誅

視被攸馘

飲至大饗

乃數軍實

矛不折寸

鏃不遺一

悠悠旆旌

萬旅如植

矯矯虎臣

韎韜有奭

班馬無聲

顏行山則

于羽陳階

金匏在席

鞞鞞效技

傑離俱集

樂增十部

於粲葆矜

蒲筵紛純

黼帷藻帟

山豆瀛尊

左右有執

酒車騰酌

錄益浮溢

殺丞房俎

羞包燔炙

一朝饗之

在師中吉

湛露晞陽

帝輝咫尺

舌人體委

惠浹夷貊

式燕以衍

率禮無失

都護奉觴

臚湊羣辟

舍爵策勲

皇有蕃錫

扶圭綴組

湛恩沕涌

熊羆鳧藻

賈勇奮力

肇開西昌

膺貢受籍

帝惟不矜

常武無逸

紫微獻捷

涇陽鳴趨

稜容異書

鴻烈赫奕

開元繼伐

耆定徼狄

行於醑宴

播咏宸筆

乃武乃文

丕昭帝式

宵雅歌周

勞率暨役

歸鎬飲御

吉甫紀績

於鏢唐兵

爰轅四極

鏡曲未奏

崖頌靡述

維以頌歌

震于殊域

序

漢保傅傳序

保傅傳者、漢梁大傅誼所作也、漢朝之儒、惟賈生粹學淵識通達治體、謂元良天下之本、本正而天下定、若昔大猷保身、傅德罔匪正人、涵養薰陶、相觀而善用、勇遺後人休、廼乂往證今、參經訂史、總取論以詔萬世、孝昭嗣服、鄉學崇儒、是傳與孝經論語尚書迭敷旃夏、大義之通、見于始元五年六月之詔、煌零休茲、毓德之淵原、典學之矩范也、庸鋪繹要指而為序

曰聖人觀海雷之象是以詒孫謀燕翼子蓋取諸震
觀山下出泉之象是以選左右蚤諭教蓋取諸蒙相
古先民丕若歷年罔不在初自貽哲命禹戒湯訓文
謨武謀啓迪後昆茲率厥典立之師保謹輔道也教
之禮樂頤德性也抗灋以聳其善齒胄以孫其志教
學之制文王世子備矣是傳尤正於始而謹於微八
歲入虎闈束髮就太學不待成人而教也太子始生
舉必以禮太師吹銅正聲太宰持升正味不待就傳
而教也胎教之道書王版減金鑕不待初生而教也
有道有充有弼有承史司過工誦諫中車有教膳宰

有規不惟三公三少孝仁禮義之道習也始敵周秦
之隆替終論賢佐之得失復以詩禮易春秋明謹始
敬終之義曰學禮曰明堂之位曰青史氏之記三代
文獻森然在目如旦佚之立前後望奭之翼左右其
未章曰鏡所以察形古所以知今誼之意深矣傳亥
匪人羸轍未遠逸民翼惠亦罔克壽孝文初載肇立
元子**越**六年誼孰數於前曰選端士曰去邪人然智
囊之進刑名之習以規爲瑱聽之藐藐後九十餘年
昭帝始誦習之業隆于繼保德牟于成后誼之書有
取焉迺若大夫進諫白虎通述之帝入五學邕宗元

識之鸞在衡和在軾穎達詩疏又稱之勵與王度記
太初篇韓詩內傳竝言班史本傳概而未詳嘉言不
彝千載眇覲愚謂著翼善之記不如監是書而善自
明誤養德之傳不如寶是書而德自進青宮之紀博
矣讀是書知其寡要也嵇山之則媿矣讀是書知其
亡寶也輔翼之臣有能采而獻之可以衍幼海之潤
增前星之暉萬年惟王永保民蓋自茲始敢著諛聞
於篇端按新書五十八篇是傳分爲傳職保傳容經
胎教四篇文穎謂在禮大戴記今列于第四十八篇
凡二章三千五百五十四字云謹序

唐西南備邊錄序

太和四年十月戊申制詔兵部侍郎臣德裕節度
劍南西川維蜀西控戎索南接蠻服昔在中葉武尅
不剛姦賊內訌蛇豕荐食表撐裏拓猶懼侵軼未陰
綢戶莫急二邊於是先事候情并謀合知料敵執檻
地險討軍實而備邊錄作焉即十三卷之簡見萬里
外之情所以制勝無形銷患未萌也茲不可亡序夫
備敵於一方其策易備敵於多方其謀難朔方既城
薄伐于西文王其勤也儼允旣攘鞠旅于南宣王其
武也鍼芒寫氣螳穴潰隄知慮不周扞防不密則壇

場之虞不生所備而生所玩吁可懼哉然山川阨塞
非圖莫見兵財盈虛非書莫著是故軍防有錄誤於
天寶九州別錄上於正元禦戎新錄奏於元和元振
述安邊之策敬輿條備邊之失前英後傑帷籌幄畫
詳已然之變忽未動之憂寢薪爲安折柳爲固猷之
不遠寇將生心德裕身佩西垂之任得不爲南鄙慮
乎方唐盛際德威溥暢比縻突厥東憺遼海窮髮反
景悉主悉臣文恬武嬉喪羊于易吐蕃間釁河隴失
險締從南詔協以謀我岷江飲馬倚爲先鋒井絡坤
垠我圉孔棘有守曰臯鑿青谿道要結蠻好倚鹿效

順篡集事狀爲卷十七

質麟結轍闔戶誨盜戎膽雖

讐蠻旣始牙架入成都

如非虛邑唐之君臣且盱食

矣疇咨良翰橋失刷耻

爰命德裕抗旌秉鉞首殘奮

怯改紀其政乃建籌邊

之樓凡險要與蠻相入者圖

之左與戎密邇者圖之

右而部落饋餽靡不察乃立

雄邊之軍其精兵曰南

燕及連弩騎士曰飛星及突

騎而饗戰器械靡不飭

大度孰制城以杖義榮經孰

控城以禦侮西山孰阨

城以柔遠復邛峽關徙越雋

治而蠻之齒寒但謀納

款維川歸壁而戎之氣奪猶

慮敵去而備弛也兵將

糧械之數城鎮種落之名歲

計經用之目講求利病輯為一書諸郡固實外夷情
大畧分縷析粲如指掌痢立碑壘咸以朱書總會小
說禮之首卷而第四卷叙維州本末尤悉書成于大
和六禩迨會昌中秉國之均始奏上之觀諸文集猶
有可攷二邊方騷而金湯之二虜孔熾而雷霆之匪
石畫沈幾曷克轅茲藏之禁嚴副在邊瑣日戒夕惕
庶克有定大中而後謂憂好暇懷燕安之毒玩鷺擊
之形河湟歸疆西顧無騎塹矣厲階之梗惟蠻為其
粘糠及米繇劍而頽乾符之季有臣雲虔自邕管涉
川陸四十七程至善蘭以南詔錄三卷獻于朝時德

裕之錄以蜀備蠻藩籬之寇也雲虔之錄以邕備
則闖然入戶庭矣憂先於事事至而憂奚翅銖石之
差與據舊鑒新不可不悲患于微眇也易之蹇曰利
西南必有六二匪躬之臣而後能濟蹇難德裕以之
按唐藝文志是錄列在兵書今館閣書目存者一卷
餘軼不傳我思古人愛莫起之撫陳編而三歎謹序

玉海二百四卷下終